



**REGIONE AUTONOMA DELLA SARDEGNA**

**PROPOSTAS ISPERIMENTALES DE UNOS CANTOS  
LINIAMENTOS GRAMMATICALES COMUNES DE SA LIMBA SARDA**



## Critèrios ortogràficos orientativos

Definende is sinnos gràficos impitare pro sa rapresentatzione de is sonos de unos cantos lineamentos grammaticales comunes de sa Limba Sarda est istadu preferidu a nche superare unas cantas de is propostas ortogràficas pregressas, in particolare cuddas chi si referint a àteras limbas (latinu, catalanu, ispagnolu) chi ant fatu, cando non cando, de modellu a is iscritores nostros e atzetare, totu is bortas chi cumbenit, solutziones prus serentes a is avesos nostros, comente sunt, oe, cuddos de s'italianu.

S'est, pro cussu etotu, apretziadu prus oportunu de adotare solutziones caraterísticas de is limbas neolatinas chi si cunformant a sa traditzione ortogràfica italiana, comente sunt, in rumenu e in àteras limbas, is solutziones "che, chi; ghe, ghi" (es. chentu, chima; gherra, ghisa) prus chi non cuddas impitadas dae is limbas neolatinas "otzidentales", es. is currispondentes "que, qui; gue, gui", comunas a ispagnolu, catalanu, portughesu, galitzianu, frantzesu, otzitanu.

Mancu una de custas limbas si sentit minimada ca impitat solutziones ortogràficas sìmbiles a àteras limbas. Gasi puru, s'est apretziadu netzessàriu fuire dae tentatziones antistòricas e diferenzialistas, sena pratichesa, comente a s'impreu de grafemas chi est difitzile chi bèngiant populares, is cales diant èssere "ka, ke, ki, ko, ku" in logu de "ca, che, chi, co, cu".

Est istadu, pro su restu, propostu de si nche iscostiare petzicando est prus cumbeniosa una soluzione alternativa, comente s'otenet cun su de atzetare dae parte de totus su "z, tz" pro mostrare s'oposizione intre sa zeta sonora e surda, o cun sa semplificatzione de unas cantas cunsonantes dòpias de s'italianu.

### Generales

Pro sa norma iscrita de referèntzia de unos cantos lineamentos grammaticales comunes de sa Limba Sarda, si proponet un'ortografia ispirada a is critèrios chi sighint:

a) isfrutare a manera positiva, cando est possibile e ùtile, sa pratichesa de s'iscritura achirida e regularizare s'iscritura traditzionale de su sardu a manera coerente cun is netzessidades distintivas de sa limba sarda in cunforma a is àteras limbas de sa famiglia neolatina.

b) seberare una variedade linguística comuna, una grafia e ortografia semplificada, chi siat de articolatzione fàtzile e retziproca pro cussos chi faeddant àteras variedades e chi in s'iscritu siat coerente.



**REGIONE AUTONOMA DELLA SARDEGNA**

c) assicurare sa coesistèntzia de is artìculos determinativos plurales sos, sas, is cara a cussos singulares su, sa, e de s'anàloga e simmètrica diferentziatzione in is desinèntzias de is sustantivos e agetivos, -u, -a, -os, -as.

At a èssere facultade de chie iscriet seberare su, sa, sos, sas o su, sa e is .

d) dare preferu a sa costàntzia morfològica de is paràulas (in sa parte issoro iniziale, mediana e finale), a manera indipendente dae is modificatziones fonosintàticas, numerosas meda in sardu comente in is àteras limbis etotu;

e) tènnere in contu is fatores etimològicos, cunformende·si a manera fundamentale, a sa madrighe latina comuna (es. sa -t finale de sa de tres pessones singulare e plurale de is verbos), francu is fenòmenos chi non siant comunes a totu is variantes (Es. radopiamentu de r- iniziale cun pròstes vocàlica), duncas rosa e no arrosa;

f) adotare una solutzione "prena", prus completa cunforma a s'etimologia comuna, pro es. ogru, àteru, lavra etc, s'in casu mai iscriende ogru, atru, lara, larva in is variedades locales;

g) evitare is metàtesis, seberende pro es. pedra, bidru, pradu, etc. lassende preda, perda; bridu, birdu; padru, pardu, etc., a is variedades locales, francu su casu in su cale sa metàtesi siat comuna a totu is variedades, es. intreu, freàrgiu;

h) redùere artìculos, verbos e avèrbios a is partes mìnimas constitutivas, separende sa prepositzione dae s'artìculu, a su, de su, etc.; is partigheddas enclìticas dae su verbu, nara·bi·lu, giughide·bi·nche·lu; sa prepositzione dae s'avèrbiu, a pustis, a foras, in antis...;

i) dare cantu prus preferu possibile a sa regularidade paradigmàtica in is verbos, pro favorèssere un' imparu mègius, pro es. s'adotzione generalizada de su gerùndiu in -ende in totu is coniugatziones, -are, -ere, -ire, chi at a pòdere èssere lèghidu -endi in is variedades meridionales (bide suta, Fonètica/Vocales); in prus, su sèberu de sa desinèntzia in -ia de totu is imperfetos de s'indicativu, pro totu is coniugatziones.



## Ortografia

Petzi una forma gràfica de is paràulas

Andat respetada sa costàntzia morfològica de is paràulas (in sa parte issoro iniziale, mesana e finale), a manera indipendente dae is mudaduras fonosintàticas, est a nàrrere chi càpitant pro influèntzia de s'aspetu fonèticu de sa paràula/cunsonante anteposta o imbeniente. Pro esempru, s'iscriet isboidare, iscuru, isdentadu, isfogiare, disganadu, islumbare, ismentigare, isnudare, ispeare, isrobare, istupare, isvitare, isgiùnghere, istzoare, a manera indipendente dae su fatu chi sa -s- de su prefissu is- potzat èssere pronunziada, a segundu de is casos, comente r, l, n, etc., finas pro assimilatzione cun is cunsonantes imbenientes. In sa matessi manera, s'iscriet semper, pro es. est benende, est làngiu, est nàschidu, etc., finas si, in sa pronùntzia, sa -t in unos cantos casos, podet rùere e sa -s- si podet mudare comente in is esemprios antepostos. Balet su matessi critèriu pro is artìculos plurales sos, sas e is, chi non mudant mai forma gràfica. Gasi etotu pro is àteras paràulas chi finint cun -s o -r, pro esempru tempus bonu, semper tuo.

Cunsonantes initziales mòbiles b-,d-,f-,g-. Is cunsonantes initziales mòbiles, b-, d-, f-, g- s'iscrient semper, finas si in sa pronùntzia podent rùere, es: bida, sa bida; domo, sa domo; figiu, su figiu; gama, sa gama, etc.

Preposizione "de"

Cunforma a su critèriu de non tènnere in contu is mudòngios fonosintàticos, sa preposizione de, che a totu is paràulas chi cumentzant cun d, s'iscriet totu intrea: de, sena peruna elisione. Formas isballiadas: 'e, d'.

Is cunsonantes simples e dòpias

S'iscrient simples, a prus chi dòpias, petzi is cunsonantes b/bb, d/dd, l/ll, m/mm, n/nn, r/rr, s/ss. Is àteras s'iscrient petzi simples.

"tz"e"z"

S'impreat tz pro sa zeta surda, es. lantza, tziu, petza, putzu, e z pro sa sonora, es. organizzare. Nen tz nen z podent èssere adopiadas in sa grafia.



## Atzentatzione

S'atzentu gràficu est marcadu subra is vocales tònicas de is paràulas ossìtonas o troncas e proparossìtonas o isdrùtziolas

. Si marcat in is paràulas ossìtonas, in ue est tònica s'ùrtima sillaba o vocale, es. tribù e in cuddas isdrùtziolas, in ue est tònica sa de tres dae s'ùrtima sillaba o vocale, es. cùcuru, fèmina, òmine, pìbera, provìntzia, istùdiu. Non s'impreat in is paràulas pianas, in is cales est tònica sa de duas dae s'ùrtima vocale, es. iscola, matessi, etc.

## Cliticos

In casu de is partigheddas pronuminales àtonas postas in fatu a su verbu, pro motivos didàticos, (pro fatzilitare s'individuatzione de is partes costitutivas de sa fràsia e duncas s'anàlisi de sa matessi fràsia), si preferit sa separatzione a s'aglutinatzione, pro custu: giughide·bi·nche·lu, leade·bos·nche·lu, etc.

Custa solutzione ponet de acordu su crìteriu de su mantenimentu de una forma ùnica de is paràulas, a manera indipendente dae is leges de sa fonosintassi, cun su ligòngiu istrintu chi issas ant cun su verbu. S'est preferidu su puntu mesanu (chi mìnimat is distàntzias e dat s'idea de unu ligòngiu prus mannu) a su tratigheddu, impreadu cun preferèntzia pro is paràulas cumpostas. S'iscritura separada cunsentit finas unu tratamentu informatizadu mègius de is testos, ca unu curretore ortogràficu, antis de dèpere tènneru in memòria is mìgias de cumbinatzones possìbiles chi si diant àere intre is cliticos e is verbos, ddas at a analizare una pro una, siat chi s'agatent separadas (cando sunt antepostas), siat cando sunt ligadas a su verbu, unidas dae su puntu. Sa pronùntzia, posca, sighit is normas generales, cun totu is assimilatziones possìbiles chi balent pro is cunsonantes chi s'agatant in printzipiu o in fine de paràula. In casu chi is matessi partigheddas siant antepostas, depent èssere partzidas: bi nche lu giughides, bos nche lu leades, bos lu leo, mi lu dant.

## D eufònica

Non si marcat sa d eufònica ma benit lassada a sa pronùntzia eventuale, comente in is casos chi sighint: "in unu, cun unu, in onni, a onni, a ogni". Pro su fatu ca custa d no est su resurtu de peruna elisione, no at sensu impreare apòstrofos e nen, mancu, at sensu de dda ligare cun unu tratigheddu a sa paràula anteposta o a cudda chi sighit.

## Vocale paragògica

Non s'iscrient is vocales paragògicas a pustis de sa cunsonante. Duncas s'iscriet fèminas, ànimas, bolet, bolent, etc. ma non fèminasa, ànimasa, bolete o boleda, bolente, etc.



no, non; nono

S'avèrbu **no** s'impreat in antis de una paràula chi cumentzat cun vocale, **non** in antis de paràula chi cumentzat cun cunsonante, es.: no ando, non bèngio. In dae in antis a is pronùmenes lu, la, l', però, s'iscriet **no**. Cando est tònica in positzione finale assoluta est no o nono.

ne, nen

Sa congiunzione **ne** s'impreat in antis de paràula chi cumentzat cun vocale, **nen** in antis de paràula chi printzipiat cun cunsonante, es.: ne ando, nen bèngio. In dae in antis a is pronùmenes lu, la, l', però, s'iscriet **ne**. No est netzessàriu atzentare **ne** ca, semper e cando, non si cunfundet cun peruna àtera paràula.

t finale in sa de tres (3<sup>a</sup>) pers. sing. e pl. de is verbos

Sa de tres pessones singulare e plurale de is verbos acabat semper in -t, sena dipèndere dae is cambiamentos de pronùntzia chi si depent a sa fonosintassi, o a impreos locales, est a nàrrere, p.es. andat, andant, etc.

Semicunsonante prepalatale -j-

Sa semicunsonante prepalatale -j- andat impreada in positzione interna, es.: maju, massaju, rajju, ruju, etc. A manera etzetzionale, p.es. in casu de is nùmenes geogràficos, podet èssere impreada in positzione iniziale de paràula, es.: Jugoslàvia.

Impreu de sa h

Sa lìtera h est impreada petzi in cumbinatzione cun sa c e sa g, pro torrare su sonu velare in dae in antis a is vocales e e i: che, chi, ghe, ghi. In prus, est impreada, a sa sola, comente sìmbulu de cantidade o de tempus: h (ètaros) 30; h 16.30. Non s'impreat in perunu àteru casu. Pro custu, est de apretziare inùtile a dd' impreare in unas cantas formas de su verbu àere (it. avere), ca non b'at peruna esigèntzia de creze distintiva.

Impreu de sa q

Non s'impreat in casu perunu e est sostituida dae sa c, es. su cuadru.



**REGIONE AUTONOMA DELLA SARDEGNA**

Impreu de s'apòstrofu

In sa pronùntzia, est frecuente meda s'elisione de sa vocale. Pro respetare su critèriu de cunservare semper petzi una forma de is paràulas, s'at a evitare de signare tale elisione, francu in casu de monosillabos su, sa, mi, ti, si, nde, nche, bi, ddi, ddu, dda, li, lu, la, e in unu, una, es. s'ùnchinu, s'ànima, m'aberit, t'indito, s'iscòstiat, nd'at, si nch'essit, non b'andat, l'aberit, dd'ascurtat, un'òmine, un'eritzu.



## Nùmeru e gènere

In sa limba sarda su nùmeru podet èssere singolare o plurale e su gènere maschile o femminile. Sa desinèntzia de su plurale de ambos gèneres est rapresentada cun una **-s** pro totu sas allegas francu cussas chi in singolare acabant in **-u/us** chi pigant sa desinèntzia **-os**. De règula si distinghent bator classes:

I	-a -as	Ìndicant belle semper nùmenes de gènere femminile che a <i>corda</i> , <i>pedra</i> , <i>anca</i> francu cando si faeddat de traballos modernos che <i>anestesista</i> , <i>dentista</i> , <i>marmista</i> etc... o essidas semper in <i>-ista</i> che a su <i>sardista/sa sardista</i> , <i>comunista</i> , <i>professionista</i> etc...chi presentant s'articulu pro mostrare cale est su gènere o paràulas de imprètidu che <i>bateritzida</i> o paràulas che a su <i>Papa</i> , o paràulas chi indicant animales istràngios a s'ambiente de s'ìsula che a su <i>panda</i> , <i>su piranha</i> , <i>su koala</i> , o paràulas chi arribant dae su grecu <i>-gramma</i> che a <i>eletrocardiogramma</i> , <i>telegramma</i> o in <i>-oma</i> che a <i>genoma</i> , <i>assioma</i> o in <i>-ema</i> che a <i>grafema</i> o <i>morfema</i> . Acabant in <i>-as</i> faeddos che a <i>cras</i> , <i>pusticràs</i> .
II	-u -o -us	Indicant belle semper nùmenes de gènere maschile che a <i>mudegru</i> , <i>coro</i> , <i>corpus</i> , francu carchi paràula che <i>manu</i> , <i>domo</i> o paràulas modernas che sa <i>moto</i> , <i>sa foto</i> o dutas de origine greca o latina che a sa <i>dinamo</i> o a sa <i>libido</i>
III	-e -es	Indicant siat su gènere femminile chi su maschile  feminile: <i>sa frue</i> , <i>sa bentre</i> , <i>sa màdrighe</i> , <i>sa bespe</i> , <i>sa salute</i> e paràulas chi in italianu sunt trucas e in sardu essint in <i>-ade</i> o in <i>-ude</i> <i>libertade</i> , <i>eredade</i> , <i>cantidade</i> , <i>virtude</i> , etc.... e sas paràulas cun su sufissu in <i>-tzione</i> <i>solutzione</i> , <i>amministratzione</i>  maschile: <i>su re</i> , <i>su laore</i> , <i>su pane</i> , <i>su mare</i> , <i>su fele...</i>  acabant in <i>-es</i> faeddos che a sos numerales <i>tres</i> , <i>ses</i>
IV	-i -is	Indicant nùmenes prus che àteru de gènere maschile: <i>carabinieri</i> , <i>paneteri</i> , <i>picapedreri</i> , <i>ferreri</i> , <i>lacaneri</i> ma ddu ant finas faeddos feminiles imprestados che a <i>crisi</i> e faeddos chi acabant in <i>-is</i> che a su <i>lapis</i> , <i>su sidis</i> e sas dies de sa chida <i>lunis</i> , <i>martis...</i>





Resumende:

GÈNERE	SINGULARE	PLURALE
maschile	coro	coros
feminile	domo	domos
maschile	macu	macos
feminile	manu	manos
maschile	tempus	tempos
feminile	fèmina	fèminas
maschile/feminile	dentista	dentistas
maschile	òmine	òmines
feminile	bentre	bentres
maschile	paneteri	paneteris
feminile	crisi	crisis
maschile	lapis	lapis

Totu sas paràulas truncas italianas o istràngias leant su plurale cun sa s:

*cafè----cafès*

*tribù----tribùs*

Carchi sustantivu aturat invariadu e duncas pro nde connòschere su gènere bisòngiat a bìdere s'articulu chi portat a dae in antis; su/sa cane, su/sa gatu etc.

Ddu ant finas particularidades chi pertocant su gènere e chi podent èssere risolvidas cun s'agiudu de su vocabolàriu ca sunt presentes, pro sa matessi allega, artìculos diferentes: sas àbores/sos àbores, sa nie/su nie, sa patata, su patatu, sa gatu, su gatu (cando est singolare culletivu) o sa domìniga su domìnigu.



Pro distinguere su gènere non s'impreant petzi desinèntzias diferentes

pobiddu	pobidda
didinu	didina
giaju	giaja
piju	pipia

ma finas lessemas:

MASCHILE	FEMINILE
maridu	mugere
caddu	ebba
porcu	sue, madri
nebode	neta
frade	sorre

E finas sufissos diferentes:

MASCHILE	FEMINILE
poeta	poetessa
conte	contessa
duca	duchessa

Etzetziones de nùmenes chi acabant in -a acumpangiados finas dae s'articulu feminine ma chi podent èssere impreados pro sos òmines sunt: guàrdia, ispia...

Es.

*Issu est sa guàrdia, issu est una ispia.*

Faeddos italianos che a *francese, triste* chi non declinant su gènere in cussa limba, imbetzes in sardu lu faghent:

Il ragazzo francese, un ragazzo triste	<i>Su pitzocu frantzese, unu pitzocu tristu</i>
La ragazza francese, una ragazza triste	<i>Sa pitzoca frantzesa, una pitzoca trista</i>



## REGIONE AUTONOMA DELLA SARDEGNA

Su plurale benit impreadu finas pro indicare sas familias e duncas su sambenadu singulare pigat su plurale cando si cheret inditare pro esempru un'erèntzia: cussu est de sos Lados (cussu est de sa famiglia Ladu).

Ma b'at fina sa formula idiomàtica "sos/is de Ladu" in ue su nùmene abarrat singulare.

Sa paràula *èuro* ponet su plurale in *èuros* gasi comente a s'ispaniolu *los euros* e su frantzesu *les euros*: custu nos l'ammentat s'Acadèmia de sa Crusca e su Ministeru de s'Istruzione: "*una direttiva della Comunità Europea, del 26 ottobre 1998, ha stabilito che per alcune lingue, e cioè per l'inglese, l'italiano e il tedesco, la parola resti ufficialmente invariabile al plurale, mentre per altre segue la morfologia specifica (francese les euros, spagnolo los euros, finlandese eurot, svedese eurorna, ecc.)*" e in sardu duncas no essit in *francos noos* o àteros imbentos.

Sos nùmenes difetivos, est a nàrrere chi tenent petzi su singulare o su plurale, podent èssere:

Nùmenes genèricos	Su sidis, su fàmine
Nùmenes astratos	Su coràgiu, sa piedade
Nùmenes de carchi maladia	Su cancru, su fogu de Santu Antoni,
Nùmenes chi inditant cosas fatas de duos elementos uguals	Sos otzales, sas ugeras, sas fòrtighes



## S'articulu

S'articulu podet èssere determinativu o indeterminativu e andat a in antis de su sustantivu o de una paràula sustantivada.

## S'articulu determinativu

S'articulu determinativu serbit pro “determinare” su sustantivu indichende su gènere e su nùmeru, ponende-lu in unu cuntestu de tempus e logu determinadu.

S'articulu determinativu derivat dae su latinu IPSUM, IPSOS, chi, pro more de s'afèresi in unu casu e de s'apòcope in s'àteru, a su plurale si presentat pro ambos gèneres in sa forma ùnica IS o in sa forma declinada SOS/SAS. A su singulare in tames resultat SU pro maschile e SA pro femminile.

SINGULARE		PLURALE	
SA	mama	SAS/ IS	mamas
	manu		manos
	domo		domos
	die		dies
SU	coro	SOS/ IS	coros
	macu		macos
	tempus		tempos
	nebode		nebodes
	ferreri		ferreris

Sa limba sarda impreat finas su **singulare colletivu**: custa forma, fata siat cun s'articulu singulare femminile chi maschile, andat a indicare sa cantidade indefinida de insetos, frùtora o animales o cosas. E duncas nàrrere chi: "*m'at puntu sa tzintzula*" significat non chi una s'ingula tzintzula m'apat puntu ma chi una cantidade indeterminada de cussos insetos dd'at fatu. Gasi puru cando si narat chi: "*amus tiradu sa patata*" non cheret nàrrere chi est istada regorta una patata ebbia ma una cantidade indeterminada de custas. Su matessi pro cando si narat chi: "*in su mare ddu at pische*". E finas pro cosas: "*dd'apo furadu su dinari*"



## REGIONE AUTONOMA DELLA SARDEGNA

S'articulu determinativu no est impreadu in ditzos o maneras de nàrrere comente:

Es.

*riu mudu tragiadore* (e non: su riu mudu tragiadore)

*tremende che fògia* (e non: tremende che sa fògia)

Comente complementu vocativu est presente in sas espressadas che a:

Es.

*su dotore, su professore, su tziu, su mere.*

*su dotore, mi podet dare sa meighina de s'àtera borta?*

A bias cun su vocativu "O"

Es.

*O su tziu, benende seis?*

O cando est sighidu dae una preposizione:

*su de deghe*

a bias dat unu significu diferente a una frase:

Es

*custa butega **lunis** est serrada (lunis chi benit)*

*custa butega **su lunis** est serrada (ònnia lunis)*

### S'articulu indeterminativu

S'articulu indeterminativu agiunghet un'elementu nou in sa chistione sena peruna determinazione de custu elementu.

Est duncas diferente a nàrrere:

*nos pigamus **sa** vetura* (chi giai conoschimus in su discursu)

*nos pigamus **una** vetura* (elementu indeterminadu o desconnotu antis in su discursu).



Agatamus duncas in su maschile e femminile:

UNU	sero
	macu
	tempus
	nebode
	ferreri
UNA	mama
	manu
	domo
	die

S'articulu indeterminativu est finas impreadu a su plurale pro indicare siat "circa" chi "alcuni" de sa limba italiana

Es.

*unos binti assessores*

*unas chentu partidas in sèrie A*

*unos cantos canales in digitale terrestre*

*unas cantas veturas multadas*



## S'agetivu

S'agetivu mudat su significu de su nùmene e li dat calidade e determinatzione. De règula s'agetivu andat postu a pustis de su sustantivu chi si cheret cualificare o determinare:

Es.

*sos ogros birdes*

*sa cara mia*

e, comente si podet bìdere in s'esempru, s'agetivu sighit su gènere e su nùmeru de su sustantivu.

	MASCHILE	FEMINILE
SINGULARE	-u bonu -e forte -eri banduleri	-a bona -e forte -era bandulera
PLURALE	-os bonos -es fortes -eris banduleris	-as bonas -es fortes -eras banduleras

S'agetivu si podet cumparare cun un'àteru agetivu o cun unu sustantivu o cun unu pronùmene. S'agetivu podet èssere collegadu a manera direta cun su nùmene “cussu pitzocu bonu” in funtzione attributiva o tràmite unu verbu “cussu pitzocu est bonu” in funtzione predicativa.

## Sos grados de s'agetivu

Su cumparativu de ugualliantzia est:

Cantu (a)	Est forte cantu a mie
Che (a)	Est forte che a mie
Comente (a)	Est forte comente a mie

Tantu...cantu:

est tantu mannu cantu iscimpru

Su cumparativu de majoria est:

prus+agetivu+de	Est prus forte de mene
-----------------	------------------------



Su cumparativu de minoria est:

Prus pagu+agetivu+de	Est prus pagu forte de mene
----------------------	-----------------------------

A bias s'impreat che/chi non:

*Cussa fèmina est prus bella che (chi non) sàbia*

Sos cumparativos sintéticos chi currispondent a “migliore/meglio” e “peggiore/peggio” sunt **mègius e peus**.

Su superlativu relativu si faghet:

Artìculu determinativu+prus+agetivu+de	Sa prus bella de bidda
Artìculu determinativu+sostantivu+prus+agetivu+de	Sa domo prus bella de bidda

O sinono

*Su prus òmine mannu, sa prus fèmina bella*

Ma ddu ant finas formas prus populares in ue sustantivu e agetivu si cuncàmbiant a pare

*S'òmine prus mannu, sa fèmina prus bella*

Su superlativu assolutu si faghet in diferentes maneras:

Cun s'iteratzione de s'agetivu	Mannu mannu, ruju ruju, fritu fritu
Cun agetivu+a beru	Tontu a beru
Cun meda+agetivu (o a cuntràriu)	Est meda forte/est forte meda

Si diant pòdere impreare finas sas paràulas *màssimu* e *mìnimu* e àteros superlativos de orìgine culta chi sunt presentes in sas frases de ogni die:

*tenet sa pensione mìnima*

*Est su mìnimu chi podet pedire*

*Su gas est a mìnimu*

*At pigadu su màssimu de sos votos*

*Su superlativu espressat sa calidade a su gradu màssimu*

In sardu est presente finas sa paràula bete chi est impreada mescamente pro indicare su superlativu pro sa mannària





**REGIONE AUTONOMA DELLA SARDEGNA**

*Est una bete domo*  
*Est unu betze òmine*

Comente nos ammentat Blasco Ferrer sa paràula *grandu* s'intendet in sardu ma no indicat a bias sa mannària fisica ma cussa morale o sotziale o estètica:

*Est unu grandu òmine*  
*Est una grandu grandu cosa su chi at naradu*

S'intensidade de un'agetivu podet èssere afortiada cun un'àtera paràula:

*Bbiancu chìghinu*  
*Nieddu pìghidu*

a bias sos agetivos resultant cumpostos (sustantivu + agetivu):

*Pilicanu (pilu+canu)*  
*Barrimannu (barra+mannu)*  
*Ogrigàtinu (ogru+gàtinu)*

in custu casu s'acabu de sa prima paràula, chi essit in una cale si siat vocale, si mudat in –i

su diminutivu si faghet, gasi comente pro su sustantivu, cun su sufissu

-eddu, -edda	Minore-minoreddu/bellu-belleddu
-itu, -ita	Mannu-mannitu/ pòberu- poberitu

A bias sos diminutivos s'assummant:

*Minore-minoreddu-minoreddeddu*  
*Mannu-mannitu-manniteddu*

B'at fintzas su diminutivu chi essit cun -icu pro sos nùmenes de pessone:

*Antonicu, Boricu, Giuannicu*

S'acreschitivu si faghet cun:

-one	conca/concone tontu/tontone/tontorrone
------	---



### Sos pronùmenes personales

Sos pronùmenes personales s'impreant in logu de nùmenes de pessones o de cosas. Sos pronùmenes personales indicant sos chi partètzipant a su cuncàmbiu comunicativu: chie faeddat (prima pessone), chie ascurtat (sa de duas pessones), calicunu o carchi cosa de sa cale si faeddat (sa de tres pessones). Sos pronùmenes personales si distinghent in tònicos cando sunt suetos e àtonos cando no lu podent èssere. Sas formas tònicas càmbiant forma a in antis de sas prepositziones e tando sunt tzerriadas oblicuas (gasi acuntesset fintzas, pro esempru, in su relativu italianu “*che*” chi cun sa preposizione pigat sa forma “*cu*”)

Sas formas suetu sunt:

SUGETU	FORMA OBLÌCUA DE CUMPLEMENTU
deo	De, pro mene/a mie/cun megus
tue	De, pro tene/a tie/cun tegus
issu/issa -isse- si podet impitare si referidu a pessone -vostè- allocutivu de cortesia	A, cun, de, pro...isse, issu, issa In, dae sese (riflessivu)
nois	A, cun, de, pro... nois
bois	A, cun, de, pro... bois
issos/issas	A, cun, de, pro... issos, issas in, dae sese (riflessivu)

Sas formas àtonas sunt:

Non riflessivu		riflessivu
dativu	acusativu	
Mi (mi)		
Ti (ti)		
Li/ddi (gli)	lu/ddu (lo)	si (si)
	la/dda (la)	
Nos (ci)		
Bos (vi)		
Lis/ddis (gli)	los/ddos (li)	si (si)
	las/ddas (le)	



**REGIONE AUTONOMA DELLA SARDEGNA**

Massimo Pittau nos ammentat chi in su dativu èticu ddu at sa presèntzia de su pronùmene in dativu acanta a verbos che pensare, timere, crèere

*Mi penso chi non bi ando*

*Mi timo chi non bi benit*

Sas partigheddas pronominales sunt:

nche	Cando si referit a logu: a nche la giughes?
nde	Cando si referit a cosa: a mi nde das?



Ponende paris sos substituentes àtonos e sas partigheddas pronominales si creant is proclìticos e is enclìticos, custos segundos andant cun s'imperativu e su gerùndiu:

<b>PROCLÌTICOS</b>	
Mi lu, mi nche lu, mi nche mi nde	Mi lu naras tue ! Mi nche lu leas a domo? Mi nche giughet in vetura Mi nde das de petza?
Ti lu ti nche lu ti nche ti nde	Ti lu còmporo Ti nche lu moo Ti nche lasso in pratza Ti nde do unu cantu
Bi lu/si ddu bi nche lu/si nche ddu bi nde	A bi lu das a babu? A bi nche lu batis su computer? Bi nde b'at de gente!
<i>Riflessivu:</i> si lu/si ddu si nche lu/si nche ddu si nde si nche si nche nde	Si lu còmporat Si nche lu leat a domo sua Si nd'est ismentigadu Si nch'est andadu como como Si nche nd'est bènnida de gente!
Nos lu/nos ddu nos nche lu/nos nche ddu nos nche nos nde	Nos dd'imparat su mastru Nos nche lu batint cras Nos nch'est arribada sa bulleta Nos nd'ant donadu eris
Bos lu/bos ddu bos nche lu/bos nche ddu bos nche bos nde	Bos dd'imparat su mastru Bos nche lu batint cras Bos nch'est arribada sa bulleta Bos nd'ant donadu eris



ENCLÌTICOS	
mi·lu, mi·nche·lu mi·nche mi·nde	nara·mi·lu tue lea·mi·nche·lu giughe·mi·nche in vetura dae·mi·nde de petza
ti·lu, ti·nche·lu ti·nche ti·nde	còmpora·ti·lu moe·ti·nche·lu essi·ti·nche dae domo piga·ti·nde unu pagu
Bi·lu/si·ddu bi·nche·lu/si·nche·ddu bi·nde	dae·bi·lu a babu! bati·bi·nche·lu su computer porri·bi·nde
<i>Riflessivu:</i> si·lu/si·ddu si·nche·lu/si·nche·ddu si·nde si·nche si·nche·nde	comporende·si·lu leende·si·nche·lu iscarfende·si·nde moende·si·nche papende·si·nche·nde
Nos·lu/nos·ddu nos·nche·lu/nos·nche·ddu nos·nche nos·nde	Fiat imparende·nos·lu su mastru sunt batende·nos·nche·lu est portende·nos·nche sa bulleta mandighende·nos·nde totu
Bos·lu/bos·ddu bos·nche·lu/bos·nche·ddu bos·nche bos·nde	imparade·bos·lu a sa sola leade·bos·nche·lu moide·bos·nche est pighende·bos·nde su risu
Bi·lu/si·ddu bi·nche·lu/si·nche·ddu bi·nde	donende·bi·lu

In sardu est presente s'impreu pleonàsticu de su pronùmene:

*A mie mi paret*

*Dae·nos·lu a nois*

*Sa partida bida bi l'as*



## Sos pronùmenes e agetivos possessivos

Sos possessivos s'ghint su gènere e su nùmeru de su sustantivu e s'ingiant su raportu de appartenèntzia de unu sugetu cun su possessore suo. Sos agetivos possessivos devenint pronùmenes possessivos cando sunt antepostos dae un'articulu e dae una preposizione:

*Sa domo mia*(agetivu) *est manna prus de sa tua*(pronùmene personale)

	MASCHILE	FEMMINILE	MASCHILE	FEMMINILE
SINGOLARE	Meu/miu	Mea/mia	Meos/mios	Meas/mias
	Tuo	Tua	Tuos	Tuas
	Suo	Sua	Suos	Suas
PLURALE	Nostru	Nostra	Nostros	Nostras
	Bostru	Bostra	Bostros	Bostras
	Issoro			

Sa positzione de s'agetivu possessivu est semper a pustis de su nùmene.

Paris cun locutziones averbiales a bias andat in logu de s'expressada "de mene, de nois...", :

*a in antis meu*

*a segus nostru*

A bias su possessivu benit afortiadu cun su paràula *cosa*

*Sa domo cosa mia*

*S'ischidone cosa sua*



## Sos dimostrativos

Su sardu, che a s'ispanniolu e a su toscanu, distinghet mègius su balore de distàntzia:

	SERENTE A MIE (chi faeddo)	SERENTE A TIE (chi ascurtas)	A TESU DAE NOIS (dae mene chi faeddo e dae tene chi ascurtas)
M. sing	Custu (questo, esto)	Cussu (codesto, eso)	Cuddu (quello, aquello)
M. plur.	custos	cussos	cuddos
F.sing	custa	cussa	cudda
F.plur	custas	cussas	cuddas

Un'esempru làdinu de comente su pesu de s'italianu subra su sardu si faghet a intèndere si podet agatare in sos dimostrativos ca sa forma italiana "*codesto*" est ispaessende e custu dat problemas de traduzione a su sardu chi depet seberare pro sa paràula "*quello*" a bias "*cussu*" a bias "*cuddu*".



## Sos relativos

Su pronùmene relativu tenet duas funtziones: èssere in logu de unu nùmene e servire a pònnere in relata tra issas duas prepositziones, sa chi reghet e sa relativa.

segunde s'indicu de sa LSC su relativu si faghet petzi cun sa forma "Chi":

Chi comente		
Nominativu (che)	Chi	S'òmine chi leghet est Antoni l'uomo che legge è Antonio
Genitivu (di cui)	chi+nde	Sas cosas chi nd'apo bisòngiu le cose di cui ho bisogno
Dativu (a cui)	chi+li/ddi	S'òmine chi l'apo furadu su dinari l'uomo a cui ho rubato i soldi
Cumplementu ogetu	chi	Sa mela chi apo mandigadu
Cumplementu de logu (in cui)	chi+nche chi+bi	Sa domo chi nche amus coladu s'estiu la casa nella quale abbiamo passato l'estate Cussa domo chi b'at unu portale ruju quella casa <i>dove</i> c'è un portale rosso
Cumplementu de cumpangia	??Chi ?? Cun chie	<i>Sa pitzoca chi so essidu est Maria</i> la ragazza con la quale sono uscito è Maria (gasi narat finas Allan Jones "Sintassi della lingua sarda": pag.308: <i>sa pitzinna chi so issitu</i> ) ma sonat male in <i>sas pitzocas chi amus mandigadu eris in ristorante</i> o si diat dèpere iscrìere gosi <i>sas pitzocas chi amus mandigadu cun issas in ristorante</i> Blasco Ferrer in "Ello Ellus"pag.120 faghet s'esempru de <b>cun+chie:</b> "s'òmine cun chie fis faeddande est inoghe"
Cumplementu de mèdiu	??Chi ??	Diat deper èssere prus pretzisu <b>cun su cale</b> CHI podet andare bene gosi: Su postale chi nche so bènnidu a Casteddu il pulman con cui sono venuto a Cagliari ma sonat male in <i>pro sa reforma e sa lege chi est istada mudada</i> per la riforma e la legge con la quale è stata cambiata per la riforma e la legge che è stata cambiata ???





Diat èssere prus pretzisu s'impreu de preposizione+articulu+**cale** in sos àteros complementos ca cunsentit de èssere prus craros comente bidu antes.<sup>1</sup>

S'elementu sostituidu dae su pronùmene relativu si mutit antepostu.

s'impreu de su relativu **cale** duncas diat pòdere èssere impreadu in s'istile formale. Un'esempru s'agatat cando su relativu nch'est a tesu dae s'antepostu:

su ministru at ammentadu sas tzircustàntzias de comente sunt acuntèssidos sos fatos, **chi** non fiant a favore de sos partidos de s'oposizione

su ministru at ammentadu sas tzircustàntzias de comente sunt acuntèssidos sos fatos, **sas cales** non fiant a favore de sos partidos de s'oposizione

---

<sup>1</sup> Su faeddu est presente in su DES de Wagner chi narat:  
"kale, -i o su kale,= QUALIS viene adoperato *ab antico* come relativo aggetivale accanto a ki:  
e faghet s'esempru

CSP 439:*In primis posit su tatus dessu ortu de cannetum, su cale comporait sa mama*

CV I, i: *de quaturu arburis de nugi, des calis fedi seberari s'omini miu*"

Blasco Ferrer in sa grammàtica "Pro domo" pag.57 afirmat: "*non esistono in sardo i relativi italiani formati con quale più l'articolo*". Ma Michael Allan Jones in su libru "Sintassi della lingua sarda" pag.310 nos ammentat chi: "*In particolare l'uso di su cale (e della sua forma femminile e/o plurale)[...] è ristretto allo stile formale o letterario ...*"

Massimo Pittau in sa "Grammatica del sardo illustre" sua, a pag 81 narat: "*Nella lingua sarda esistono tre pronomi relativi: su-a cale, sos-as cales <il,la quale;i,le quali>,chi <che>, chie <chi, colui che>....*"



## Sos interrogativos

Sos interrogativos servint pro fàghere una pregonta, direta o indireta, subra sa calidade, sa cantidade o s'identidade de su nùmene a su cale si referint:

invariabile	Ite (referidu a cosas)	Ite boles fàghere? Cosa vuoi fare?
invariabile	Chie (referidu a pessones)	Chie depet bènnere? Chi deve venire?
variabile in su nùmeru ma no in su gènere	Cale, cales	Cale vetura as compradu? Quale macchina hai comprato?
variabile in nùmeru e in gènere	Cantu  canta  cantos  cantas	Cantu mancat? Quanto manca  Canta gente bi fiat? Quanta gente c'era?  Cantos sunt sos giogadores de rugby? Quanti sono i giocatori di rugby?  Cantas bortas ti l'apo naradu? Quante volte te l'ho detto?



## Sos indefinidos

Sos indefinidos sunt cuantificadores chi però non dant indicos pretzisos subra sa cantidade:

Ambos, ambas	Entrambi
Àteru/àtera/àteros/àteras	Altro, altra, altri, altre
Bastante	Sufficiente, abbastanza
Cale si siat	Qualsiasi
Calicunu/calicuna	Qualcuno, qualcuna
Carchi	Qualche
Ite si siat - cale si siat Chie si siat	Checchessia, qualsiasi cosa Chiunque, chicchessia
Meda	Molto
Matessi (su,sa,sos,sas)	Stesso, stessa, stessi, stesse
Nemos	Nessuno
Nudda	Nulla
Ònni/ogni	Ogni
Onniunu,onniuna/ognunu,ognuna	Ognuno, ognuna
Pagu	Poco
Perunu	Veruno/alcuno
Pròpiu, pròpia, pròpios, pròpias	Stesso, stessa, stessi, stesse
Prus pagu	Meno
Totu, totus	Tutto, tutta, tutti
Tropu	Troppo
Unos cantos, una cantas	Alcuni, alcune

-Sa paràula *peròmine* est impitada in sensu distributivu e currispundet a: “a ciascuno/ciascuna” aici comente *unu a cada unu, una a cada una*,

-Bi sunt tres sustantivos chi tenent unu significu de indefinidu:



**REGIONE AUTONOMA DELLA SARDEGNA**

*bodale, fulanu, nighele* corrispondenti a la parola italiana *cosa/tizio* si nono si podet impreare sa perifrasi *ite ddi narant, ite si narat,*

e sos verbos indefinidos che a “*cosare*”

*nighelare, (itechiddinarantare)*

-Un'àteru nùmene indefinidu chi s'impitat in sa chistione informale est sa paràula *cosa* chi indicat sa paràula italiana *qualcosa*

*so faghende cosa*=sono occupato

*est sèriu cando tenet cosa*=è serio quando è preoccupato

*teniat cosa cun megus*= è risentito con me

*nara-ddi cosa!* = rimproveralo!



## Sas prepositziones

Sa prepositzione servit a indicare una positzione de dipendèntzia intre unu nùmene o unu pronùmene o unu verbu e una paràula anteposta.

Una particularidade est s'acusativu prepositzionale, est a nàrrere s'impreu de sa prepositzione “a” a in antis de su complementu ogetu.

*Ant tzerriadu a Giuanne*

*Hanno chiamato Giovanni*

Sa presèntzia de s'acusativu prepositzionale paret siat ligada a su cuntzetu de cosa animada o inanimada, s'impreat duncas sa prepositzione “a” pro cussas animadas e non s'impreat pro cussas inanimadas.

*Apo cassau a Micheli furende*

*Apo cassau unu sirbone*

In prus s'impreat cun cosas determinadas e non cun cosas indeterminadas:

*Apo adobiadu a sa mugere de Antoni*



### Sas prepositziones pròpias sunt:

*a, de, dae, in, cun, pro, intre, tra*

### Sa preposizione A

sos complementos introdùidos dae sa preposizione A sunt de:

Tèrmine	dae-lu <b>a</b> mie dallo a me
Ogetu	ant iscutu <b>a</b> Antoni Hanno picchiato Antonio
Motu	Andamus <b>a</b> Casteddu Andiamo a Cagliari
Tempus	Nos bidimus <b>a</b> sero ci vediamo di sera
Mèdiu	Andare <b>a</b> caddu andare a cavallo
Limitazione	L'apo connotu <b>a</b> sa boghe l'ho riconosciuto dalla voce
Modu	Est faeddende <b>a</b> boghe manna sta parlando a voce alta
Distàntzia	Sa domo est <b>a</b> binti metros dae inoghe la casa è a venti metri da qua
Pena	L'ant cundennadu <b>a</b> sa furca l'hanno condannato all'impiccagione
Distributivu	<b>A</b> duos <b>a</b> duos a due a due

-In sas boghes verbales de sos verbos a s'infinidu:

***a** traballare siat!*

*dae-li **a** mandigare*

*m'at naradu **a** bènnere cras*

*est **a** bidere oh!*

*no est **a** nàrrere, no! Est **a** fàghere!*

-in sas boghes verbales de formatzione analitica o fraseològica

*amus **a** bidere*



**REGIONE AUTONOMA DELLA SARDEGNA**

*bèngio a ischire*

*a bi benis ?*

*s'est ghetadu a malàidu*

*faghe su surdu e ghèta-ti a tontu*

-e cun funtzione finale

*est andende a cassa*

*est andende a linna*

-e in sas locutziones averbiales:

*a beru, a segus*

**comente partighedda interrogativa mescamente cando si pedit e si rechedit carchi cosa:**

***A bi benis cun megus?***

***A mi l'acabas?***

***A la cheres finire?***



## Sa preposizione DE

sos complementos introduidos dae sa preposizione DE sunt:

Ispetzificatzione	Sa domo <b>de</b> Mario est bianca la casa di Mario è bianca
Partitivu	Est su mègius <b>de</b> totus è il migliore di tutti
Matèria	Sas domos <b>de</b> pedra le case di pietra
Argumentu	<b>De</b> ite seis faeddende? Di che state parlando?
Origine	Issos sunt <b>de</b> Dublino loro sono di Dublino
Fine o iscopu	Est unu cane <b>de</b> cassa, est una nave <b>de</b> gherra è un cane da caccia, è una nave da guerra
Càusa	Est mortu <b>de</b> fàmine è morto dalla fame
Calidade	Est un'òmine <b>de</b> coro è un uomo di cuore
Modu	<b>de</b> mala manera in malo modo
Bundàntzia	Est prenu <b>de</b> peugru È pieno di pidocchi
Limitatzione	Est minore <b>de</b> carena È piccolo di corporatura
Edade	Est un'òmine <b>de</b> chimbanta annos È un uomo di cinquant'anni

-a bias est impreadu in funtzione partitiva:

*nde ddue at de gente, bi nd'at de gente, nde b'at de gente, nche nde b'at de gente*

-a bias est impreadu comente sa partighedda italiana *da*

*non tèngio nudda de nàrrere*

*tèngio cosa de fàghere*

*roba de macos!*





**REGIONE AUTONOMA DELLA SARDEGNA**

*est de pigare e iscùdere*

-e in sas locutziones averbiales:

*de badas*

-e cun sos complementos infinitivos de sos sustantivos astratos:

*tenet s'avringiu de acabare intro oe*

*tèngio s'idea de mi fàghere a retore*



### Sa preposizione DAE

sos complementos introduidos dae sa preposizione DAE sunt:

Agente	Est cherta bene <b>dae</b> totus è ben voluta da tutti
Moto	torra·nche·lu <b>a</b> ue l'as agatadu riportalo dove l'hai trovato
Tempus	So isetende <b>dae</b> tres annos sto aspettando da tre anni
Provenièntzia	Apo batidu su binu <b>dae</b> domo ho portato il vino da casa
Separatzione	Istèsia·ti <b>dae</b> su fogu allontanati dal fuoco
Distàntzia	Est meda a tesu <b>dae</b> Sardigna è molto lontano dalla Sardegna
Causa	Tremaiat <b>dae</b> s'assustu tremava per lo spavento
Limitatzione	L'apo connotu <b>dae</b> sa caminada l'ho riconosciuto dall'andatura

-In sas locutiones averbiales:

*dae eris, dae segus*



### Sa prepositzione IN

sos complementos introduidos dae sa prepositzione IN sunt:

Istadu in logu	Abarro <b>in</b> domo
Motu peri su logu	Colamus <b>in</b> Aristanis
Fine	M'est bènnidu <b>in</b> agiùdu
Tempus	<b>In</b> làmpadas, <b>in</b> estiu, <b>in</b> domìniga a giugno, d'estate, di domenica
Mèdiu	So bènnidu <b>in</b> vetura
Limitazione	Est bonu <b>in</b> matemàtica

-In sas locutziones averbiales:

*in presse, in segus*

-In sas boghes verbales de sos verbos a s'infinidu:

*in su nàscheru, in s'andare*



### Sa preposizione CUN

sos complementos introduidos dae sa preposizione CUN sunt:

Cumpangia	So andadu <b>cun</b> Micheli
Mèdiu	Lu màndigo <b>cun</b> sas manos
Calidade	Una vetura <b>cun</b> tres rodas
Modu	trata-la <b>cun</b> delicadesa
Tzircustàntzia	Est essidu <b>cun</b> cussu bentu
Fine	Un'atividade <b>cun</b> iscopu de lucru

### Sa preposizione PRO

sos complementos introdùidos dae sa preposizione PRO sunt:

Càusa	Istat male <b>pro</b> sa basca
Iscopu	Su dinare bisòngiat <b>pro</b> sa domo
Modu	L'amus fatu <b>pro</b> brulla
Iscàmbiu	M'at pigadu <b>pro</b> su s'indigu
Limitazione	Fiat mentovadu <b>pro</b> onestade
Preju	Dd'apo comoradu <b>pro</b> milli èuros
Interessu	L'at fatu <b>pro</b> mene

-In sas boghes verbales de sos verbos a s'infinidu:

*sunt prontas pro falare*

### Sas preposizioni INTRE e TRA

sos complementos introduidos dae sas preposizioni INTRE e TRA sunt:

Partitivu	Ant a èssere seberadas bator pessones <b>tra</b> sos partetzipantes
Logu	Su pugione s'est cuadu <b>intre</b> sas matas
Distàntzia	Agatas s'apotecaria <b>tra</b> dughentos metros



**Sas prepositziones impròpias** sunt avèrbios, agetivos, partizipios o locutziones impreadas comente prepositziones:

suta	Suta de terra suta a un'àrbore
subra	Subra sa chistione
a pustis	A pustis de su film
in antis	In antis de oe
a largu	A largu dae sos amigos
foras	Aguanto totu foras sa basca
intro	Ddu porto intro de mene
a inghìriu	A inghìriu de sa domo
contra	Dda tenet contra a mie
sena	Sena chi siant cantadas
finas a	Finas a domo
in s'oru	In s'oru de su riu
paris	Paris cun megus
in fatu	In fatu a sas cabras
in mesu de	In mesu de s'apostu
in càmbiu de	In càmbiu de dinare
in cara de	In cara de issu
paris cun	Paris cun isse
conca a	Conca a terra
chirru a	Chirru a su mare
cara a	Cara a domo
pro mèdiu de	Pro mèdiu de sa gherra
francu	Francu sa petza fiat totu bonu
peri	Fuidu peri sos buscos
Intro	Depo mòere intro sas chimbe
tràmite	Tràmite racumandada
mediante	Mediante racumandada
durante	Durante sa festa
rasente, serente	Rasente sa domo



## Sas congiuntziones

Sas congiuntziones servint a congiùnghere intre issos duos o prus elementos de una o prus propositziones chi siant in raportu de coordinatzione o subordinatzione. Custas podent èssere simples o cumplexas si formadas dae una paràula ebbia o dae prus allegas e tando divenint locutziones congiuntivas.

**Sas congiuntziones coordinativas** unint duos elementos ponende-los in su matessi pianu e si podent sutapartzire in:

*Copulativas*: indicant unu raportu simple de adizione intre elementos congiuntos

e	
finas, fintzas	
ne/nen	
nemmancu	
in prus	

*Disgiuntivas*:sinnalant partzidura intre allegas cullegadas, e esclusione o alternativa tra issas etotu

o	
o puru	
sinunca	

*Avversativas* :sinnalant unu cuntrastu, una contradizione, una contraposizione

ma	S'impreu de "ma" podet èssere avversativu-opositivu (al contrario) o avversativu-limitativu (però)
però	
prus a prestu	
sende gasi	
de su restu	
antis	
imbetzes	
in tames	
cando chi	
in càmbiu	



*Declarativas*: introductu una declarazione, un'ispiagazione

custu non custu	
difatis	
pro nàrrere	
unu paragone	
pro esempru	

*Conclusivas*: s'innalant chi su segundu elementu est consequèntzia de su primu

duncas	
pro custu	
pro cussu	
tando	

*Correlativas*: apostivigant una curripundèntzia o una relatzione intre duos o prus elementos

siat...siat	
gasi...comente	
tantu...chi	



**Sas congiuntziones subordinativas** collegant duas propositziones, una de sas cales est subordinada a s'àtera, mostrende su raportu lògicu tra cussa chi reghet e sa dipendente e si podent sutapartzire in:

*Decrarativas:*

chi	
comente	

*Interrogativas indiretas:*

si	
comente	
cando	
pro ite	
cantu	

*Causales:*

ca	
sigomente	
bidu chi	

*Finales:*

a tales chi	
pro chi	

*Consecutivas:*

gasi...chi	
A su puntu chi	

*Cuntzessivas:*

sende chi	
mancari	





**REGIONE AUTONOMA DELLA SARDEGNA**

*Cunditzionales:*

bastis chi, bastat chi	
si no est chi	

*Cumparativas:*

prus...chi non	
prus pagu...chi non	
mègius...chi non	
tantu...cantu	
tantu prus...cantu prus pagu	

*Temporales:*

onni/ogni bia chi	
finas a cando	
in s'interi	

*Modales:*

che	
comente chi	

*Aversativas:*

cando imbetzes	
ue imbetzes	

*Etzetuativas, limitativas:*

francu	
semper chi	



## Sos numerales

Sos numerales indicant una determinatzione numèrica pretzisa e si sutapartzint in:

### Cardinales:

Indicant sa cantidade numèrica de pessones, animales o cosas e de règula andant in antis de su nùmene. Su nùmeru *unu* e su *duos* si declinant pro gènere dende *una* e *duas*, su nùmeru *chentu* non si declinat ma su plurale emmo: *dughentos/dughentas*, *tregmentos/tregmentas*, *etz.* Su nùmeru *milli* pigat su plurale in *mìgia*. *Millione e milliardu* tenent su plurale in *milliones*, *milliardos* e sunt sighidos dae sa preposizione “*de*” cando indicant sa cantidade de una cosa: *unu milione de èuros*. Una particularidade de su sardu est chi su sustantivu pigat su nùmeru in base a su numerales, pro fàghere un'esempru si narat: *binti annos*, *bintiduos annos*, ma *bintunu annu*.

1	Unu, una		11	ùndighi
2	Duos, duas		12	dòighi
3	tres		13	trèighi
4	bator		14	batòrdighi
5	chimbe		15	bìndighi
6	ses		16	sèighi
7	sete		17	deghessete
8	oto		18	degheoto
9	noe		19	deghennoe
10	deghe		20	binti

E sighit

21	bintunu		31	trintunu
22	Bintiduos, bintiduas		32	trintaduos
23	bintitres		33...	Trintatres...
24	bintibator		40	baranta
25	bintichimbe		50	chimbanta
26	bintises		60	sessanta
27	bintisete		70	setanta
28	bintoto		80	otanta
29	bintinoe		90	noranta
30	trinta		100	chentu



E s'ghit

101...	Chentu e unu...		5000	Chimbe mìgia
200	Dughentos, dughentas		6000	Ses mìgia
300	Treghentos, treghentas		7000	Sete mìgia
400	Batorghentos, batorghentas		8000	Oto mìgia
500	Chimbighentos, chimbighentas		9000	Noe mìgia
600	Seschentos, seschentas		10.000	Deghe mìgia
700	Setighentos, setighentas		100.000	Chentu mìgia
800	Otighentos, otighentas		101.000	Chentu e una mìgia
900	Noighentos, noighentas		102.000	Chentu e duas mìgia
1000	milli		200.000	Dughenta mìgia
2000	Duamìgia		300.000	Treghenta mìgia
3000	Tres mìgia		1.000.000	Unu milione
4000	Bator mìgia		1.000.000.000	Unu milliardu



### Ordinales:

Indicant s'ordine de sutzessione in una sèrie numèrica e si formant unende s'articulu determinativu, chi podet mudare de nùmeru e de gènere, sa preposizione *de*, su nùmeru cardinale, francu sos primos duos de sa sèrie chi faghent *primu* e *segundu* e a s'imbesse *ùrtimu*, *penùrtimu*, cambiende semper in nùmeru e in gènere.

1	Primu, prima, primos, primas	Ùrtimu, ùrtima, ùrtimos, ùrtimas
2	Segundu, segunda, segundos, segundas e finas su/sa/sos/sas/is de duos	Penùrtimu e finas  su/sa/sos/sas/is de duos dae s'ùrtimu
3	su/sa/sos/sas/is de tres	su/sa/sos/sas/is de tres dae s'ùrtimu
4	su/sa/sos/sas/is de bator	su/sa/sos/sas/is de bator dae s'ùrtimu
5	su/sa/sos/sas/is de chimbe	su/sa/sos/sas/is de chimbe dae s'ùrtimu

E gasi s'ghende.

### Multiplicativos

indicant una cantidade a duas o a prus bortas manna de un'àtera

doppio	Dòpiu, a duas bortas, duas bortas tantu
triplo	A tres bortas, tres bortas tantu
quadruplo	A bator bortas, bator bortas tantu

Faghent parte de sos multiplicativos finas: *triplitze*, *cuadrùplitze* etc.. chi no indicant comente a sos primos cantu una cosa est prus manna de un'àtera ma chi una cosa est cumposta de duas, tres o prus partes.

*Sa Triplitze Intesa (un'alleàntzia de tres natzione e no una alleàntzia manna a tres bortas- tripla intesa)*

### Fratzionàrios

indicant una o prus partes de unu totu e si faghent cun sa preposizione *de*+denominadore+numeradore

1/2	Sa metade, unu mesu
1/3	De tres unu, de tres una (parte)
2/3	De tres duos, de tres duas (partes)
3/5	De chimbe tres, de chimbe duas (partes)



### Distributivos

Indicant in cale manera sunt distribuidas pessones o cosas cun locutziones che a:

Unu peròmine	
Duos, duas peròmine	
Unu cada a unu/una	
Duos/duas cada a unu/una etc...	
A unu a unu	
Tres a sa borta	

### Colletivos

indicant un'insieme numèricu

paio	Paja, pariga (su faeddu " <i>pariga</i> " est impreadu in sardu finas in logu de " <i>unos cantos</i> " e a bias in sensu antifràsticu pro indicare " <i>medas</i> ")
coppia	croba

E tenent finas valore arossimativu

deghina
bintina
chentina

Custos ùrtimos podent tènnere finas su plurale:

*fiant a chentinas*



### Sas interietziones

S'interietzione est una parte invariabile de su discursu impreada pro esprimere un'emotzione (gosu, dolore, timoria, ispantu) o pro formulare òrdines o saludos e si partzint in pròpias e impròpias, argunos esemprios:

pròpias: ca tenent petzi custa funtzione

ajò!	orsù
ohi!	dolore
pisti!	Riferito a calore o puntura
titia!	Riferito a freddo
là!, mì!	guarda

Impròpias: ca in origine tenent àteras funtziones

ànimu!	coraggio
balla!	accidenti
diciadu!	beato
iscedadu!	poverino
làstima!	peccato
marranu!	Marrano, ti sfido
toca!	Suvvia, dai!
totunu!	Lo stesso!

S'impreu antifràsticu de sas paràulas in sa limba sarda est connotu e duncas su significu beru o cuntràriu de s'allega si podet cumprèndere petzi dae su cuntestu o dae s'intonatzione.

### Espressadas onomatopèicas

Sas onomatopeas sunt espressadas linguísticas chi provant a istòrchere sos sonos non linguísticos, carchi esempriu:

tzifi-tzofo, tzòfete-tzòfete: riferidu a infustu e a su sonu in s'abba

puh!: riferidu a su grùspidu

titia: riferidu a su fritu e a su sonu de sas dentes



### Sos avèrbios

S'avèrbiu servit a mudare, donende-li prus pretzisione, su significu de àteros cumponentes de su discursu e est invariàbile. Podet acumpangiare pro esempru:

agetivu	Est meda ruju
nùmene	Còmpora feti mela
avèrbiu	Est bènnidu bastante chitzo
sintagma	Amus pensadu mescamente a bois

Segunde su significu issoro sos avèrbios si distinghent in cussos de:

modu	Apo mandigadu <b>bene</b>
logu	Issos istant <b>inoghe</b>
tempus	<b>Como</b> nonpotzo essire
cantidade	Apo papadu <b>tropu</b>
interrogativos	<b>Ue</b> andas in vacàntzia?
giudìtziu	<b>Forsis</b> est unu pagu arrenegadu



## Modu

Sos avèrbios e sas locutziones averbiales de modu indicant sa manera de comente acuntesset s'atzione:

bene	Apo papadu bene
male	Bido male
mègius	Isto mègius
peus	Paret peus
gosi, gasi, aici	Gosi narant
torra	Benis torra in bratzos mios?
comente	Comente unu macu
a mala gana	L'apo fatu a mala gana
a mala bògia	Tocat a andare a mala bògia
a discansu	Giai traballas a discansu in s'ufitziu
in presse	Semus andados in presse
a lestru	L'amus fatu a lestru
a sa revessa	Cussu est postu a sa revessa
a s'imbesse	Tenes sa màllia a s'imbesse
a bellu	Tira a bellu
a forte	Ispinghe a forte
petzi/isceti/feti	Bi fiant petzi òmines/isceti omnes
ebbia	M'at dadu duos èuros ebbia
a craru	At faeddadu a craru
a sa ritza	Amus mandigadu a sa ritza
a caddu	Semus sètzidos a caddu
a sa grussera	Est fatu a sa grussera
de rugradis	Non ti pòngias de rugradis
de badas	Mi l'at dadu de badas
de repente	Est mortu de repente
totu in unu	Totu in una si nch'est andadu
a s'ispensada	A s'ispessada at cumentzadu a pròere
a fortza	L'amus fatu mandigare a fortza
paris	Semus bènnidos paris





**REGIONE AUTONOMA DELLA SARDEGNA**

Sa paràulas gosi e gasi, chi resultant che a su “cosi” italianu, pretzisant in manera prus làdina comente est acuntèssida s'atzione:

*gosi =in custa manera*

*gasi =in cussa manera*

àteros avèrbios de modu si faghent cun sa sufissatzione in -ura

*a ufradura*

*a istichidura*

a bias s'impreat su gerùndiu

*l'at fatu coitende*

*si nd'est andadu currende*



## Logu

sos avèrbios e sas locutziones averbiales de logu ispetzificant sa positzione de carchi cosa o de calicunu in cunfrontu de chie faeddat o ascurtat indichende su logu ue acuntesset s'atzione:

inoghe	
a/dae inoghe	
a/in/dae cue	
a/in/dae ue	
a/in/dae cuddae	
a/in/dae foras	
addae	
a/in dae in antis	
a/in dae segus	
a/in segus	
a/in/dae subra	
a/in/dae suta	
a/in/dae susu	
a/in/dae giosso	
a/in/dae pitzu	
a inghèriu	
a/in/dae palas	
a/in/dae totue	
a/in/dae nuddue	
a/in/dae aterue	
a/dae probe	
a/dae curtzu	
a/dae largu	
a/dae tesu	
a/in aterue	
a/in/dae intro	
in logu	
cara a cara	
acante, acanta	



Tabella de distàntzia

inoghe	Acanta a chie faeddat e a largu dae chie ascurtat
in cue	Acanta a chie ascurtat e a largu dae chie faeddat
in cuddae	A largu dae chie faeddat e dae chie ascurtat
in ie	Riferimentu a carchi logu numenadu in antis in su discursu

**Tempus**

Sos avèrbios e sas locutziones averbiales de tempus servint a determinare su tempus de acumprimentu de un'atzione:

como; immoe	
deretu	
a pustis	
in antis	
in fatu	
cando	
semper	
chitzo	
tardu	
trigadiu	
eris	
oe	
oe in die	
cras	
ocannu	
annoas	
pusticràs	
gianteris	



**REGIONE AUTONOMA DELLA SARDEGNA**

a de die	
a de note	
a mangianu	
a merie	
a sero	
a borta de die	
cando non cando	
a bias	
mai	
una bia	
tando	
luego	
a mesu die	
a mesu note	
a s'ispissu	
a s'ora	
giai	
in fines	
In su mentres	
a fitianu	
tando	
galu	
a disora	
a distempus	
in puddiles	
a s'arbèschida	
a s'iscurigadòrgiu	
a s'interinada	



**REGIONE AUTONOMA DELLA SARDEGNA**

Sa limba sarda tenet una filera de avèrbios chi cunsentint de collocare in su tempus un'atzione pighende comente puntu de riferimentu *oe*:

gianteris	eris	oe	cras	pusticràs
-2	-1	0	+1	+2

Sa preposizione “*in*” est impreada cun sustantivos chi sinnant unu periodu de tempus:

*in s'atòngiu*

*in maju*

sa preposizione “*a*” pro espressadas prus puntuales

*a sas bator*

*a mesunote*

In riferimentu a una cosa passada chi in italianu est “*fa*” si impitant frases diferentes:

pro nàrrere *due anni fa* si diat dèpere nàrrere in prus de s'italianizante

*duos annos faghet*

fintzas

*como duos annos*

*duos annos a oe*



### Cantidade

Sos avèrbios e sas locutziones averbiales de cantidade indicant in manera non meda pretzisa sa cantidade:

meda	
paritzu, a, os, as	
bastante, es	
pagu	
nudda	
in pessu	
agigu	
belle	
agiomai	
in/de mancu	
gosi	
gasi	
mescamente	
pagu prus o mancu	
de prus	
in prus	
galu	
finas	
prus pagu	
a su nessi	
a su mancu	



## Interrogativos

Sos avèrbios interrogativos servint a introduire una pregonta:

Modu	Comente?
Logu	Ue?
Tempus	Cando?
Mesura o valore	Cantu?
Càusa	Pro ite?

S'avèrbiu *ello/ellus* servit a dare prus fortza a una pregonta o a una resposta. A bias a sa sola pigat valore de *certo!*

*ello a ite ses tristu, coro de mama?*

*ello tando comente cheres a fàghere?*

*chie non traballat non màndigat: ello fàula est!*

*ello inoghe ses?!*

*A la faghes custa faina? — Ello?!e cust'àtera?Ello nono!(in sunsu antifràsticu)*



## Giuditziu

Sos avèrbios e sas locutziones averbiales de giuditziu servint pro afirmare, negare o esprimere unu parre subra sa probabilidade de un'acuntessimentu:

### Afirmatzione

ei, eja, emmo	
de seguru	
pròpiu	
a beru	
sena duda	
in totu	

### Negatzione

no, nono	
in nudda	
nemmancu	

### Duda

forsis	
baddu	
chissai	
si in casu	





### S'iteratzione

In sa limba sarda est fitianu s'impreu de s'iteratzione, est a nàrrere sa ripetizione de unu sustantivu, unu verbu, un'agetivu, un'avèrbiu.

Su sustantivu: pigat valore averbiale

Die·die	
Muru·muru	
Oru·oru	

Su verbu: pigat valore averbiale, intensivu o iterativu

Time·time	
Cua·cua	
Brullende·brullende	
Feri·feri	
Mori·mori	

S'agetivu: pigat valore superlativu

Mannu·mannu	
Ruju·ruju	

S'avèrbiu: pigat valore averbiale o superlativu

Chitzo·chitzo	
Como·como	
In presse·in presse	

Sos avèrbios italianos chi acabant in *-mente* podent fàghere in sardu *a manera* + sa paràula:

chiaramente	A manera crara
personalmente	A manera pessonale
autonomamente	A manera autònoma



Franco etzetiones che a *comente, massimamente, malamente, sigomente e mescamente...*

o si nono cun sas locutziones averbiales fatas cun sa prepositzione *a+s'*articulu *sa*:

*a sa lestra*

*a sa muda*

*a sa sighida*

o sena s'articulu:

*a lestru*

*a forte*

*a bellu*

### Su verbu

Su verbu tenet in sa frase sa funtzione de predicadu donende informatziones subra su sugetu, mostrende ite faghet o comente est. In prus su verbu gràtzias a sa valèntzia, detèrminat s'istrutura generale de sa frase. Su verbu podet mudare segunde sa forma, su modu, su tempus, sa pessone e su nùmeru.

Verbos predicativos	Tenent unu significu cumpridu e podent èssere impreados finas a sa sola: <i>proet, su piciocu giogat</i>
Verbos copulativos	Servint a collegare su sugetu a su nùmene o a s'agetivu: <i>sa die paret bona, Gonària est abarrada a sa sola</i> . Sunt verbos copulativos <i>pàrrere, divenire, istare, abarrare...</i>



### Verbos transitivos e intransitivos

Sunt transitivos sos verbos chi podent tènnere unu complementu ogetu: *Antoni cantat una cantzone.*

Sos intransitivos intames non podent tènnere unu complementu ogetu diretu (?): *Antoni andat.*

### Sa forma de su verbu

Su verbu podet tènnere:

Forma ativa	Cando su sugetu podet fàghere ruolos diferentes: cussu de agente: <i>Antoni corfit sa botza</i> cussu de instrumentu: <i>sa botza at segadu su bidru</i>
Forma passiva	In sa limba sarda diat èssere bonu a istransire s'impreu fitianu de custa forma chirchende de la bortare in forma ativa. In sa forma passiva s'agente o s'istrumentu non sunt in posizione de sugetu ma de complementu chi podet èssere de agente e de càusa efizente: <i>sa botza est istada corfida dae Antoni, su bidru est istadu segadu dae sa botza</i>
Forma riflessiva	Su sugetu e su complementu ogetu cointzident e s'ogetu s'expressat cun sas partigheddas de sa sèrie pronumenale: <i>deo m'ischido</i> . A bias custas partigheddas de sa sèrie pronumenale non faghent de ogetu ma de complementu de tèrmine: <i>Antoni si (a isse etotu) sàmunat sas manos, Andria si (a isse e totu) segat sa barba.</i> In custos casos si faeddat de forma riflessiva aparente. Ddue at finas sa forma riflessiva retzìproca: <i>Antoni e Maria si amant, issos si òdiant.</i>
Forma pronumenale	Inoghe su verbu tenet significu ativu. A manera formale est sa matessi de cussa riflessiva ca est acumpangiada dae sas partigheddas de sa sèrie pronumenale, ma in custu casu non tenent perunu ruolu sintàticu. Pro esempru in <i>deo mi birgòngio</i> su pronùmene no est nen complementu ogetu nen de tèrmine (non significat <i>deo birgòngio a mie matessi</i> ) comente <i>mi so morende</i> no est <i>so morende a mie matessi</i> o <i>mi so fuinde</i> no est <i>so fuinde a mie matessi</i> . Sa limba sarda rechedit s'ausiliare <i>àere</i> in sas formas passadas e non comente in italianu <i>èssere</i> : <i>m'apo segadu s'anca (mi sono rotto la gamba)</i>



## Modos e tempos de su verbu

Su modu de su verbu indicat su cumportamentu de chie chistionat in cunforma de su declaradu.

finidos	Indicativu, congiuntivu, cundizionale, imperativu chi definint semper sa pessone mediante desinènzias ispetzificas
indefinidos	Infinidu, partizìpiu, gerùndiu chi non definint sa pessone

Su tempus indicat sa relazione cronològica tra su momentu cando si faeddat e su momentu cando acuntesset s'eventu.

presente	Cando b'at cointzidèntzia intre eventu e momentu de sa declarazione: <i>deo ando</i>
passadu	Cando s'eventu benit in antis de sa declarazione: <i>deo andaia</i>
benidore	Cando s'eventu benit a pustis de sa declarazione: <i>deo apo a andare</i>

Sos tempos presentes in sardu sunt:

indicativu 6 tempos	presente, imperfetu, passadu pròssimu, passadu imperfetu, benidore e benidore anteriore
cungiuntivu 4 tempos	presente, imperfetu, passadu e trapassadu
cundizionale 2 tempos	presente e passadu
infinidu 2 tempos	presente e passadu
gerùndiu 2 tempos	presente e passadu
imperativu 1 tempus	presente
partizìpiu 1 tempus	Passadu (no essende nche su presente, faeddos che a <i>corrispondente</i> diat dèpere fàghere <i>chi currispundet</i> , )



### S'indicativu

Cun s'indicativu si presentat unu fatu comente reale, siguru.

**Presente:** indicat atziones chi acuntessent in su momentu chi si faeddat e finas pro:

indicare sa regularidade de s'acuntessimentu de sas atziones	<i>ònni annu ando in vacàntzia a Gonone</i>
indicare una capassidade de una pessone	<i>Antoni faeddat tres limbas</i>
indicare beridades atemporales o definitziones iscientificas	<i>su sole arbeschet dae est, sa berbeghe est unu mammiferu</i>
sos ditzos	<i>chie tenet dentes non tenet pane</i>
sos contos cun valore de presente istòricu	<i>Aiant iscutu su figiu, e si nche pesat su babu neghidadu e l'ischitzinat una surra...</i>
su benidore (mescamente si est acumpangiadu dae un'avèrbu o un'àtera determinatzione temporale)	<i>Cras ando a Casteddu</i> <i>Cando andas a linna?</i>

**Imperfetu:** indicat atziones postas in su passadu consideradas in sa dura issoro non congruidas de su totu e finas pro:

indicare sa regularidade de s'acuntessimentu de sas atziones in tempos passados	<i>S'annu passadu andaiamus a traballu tres bortas a sa chida</i>
descriere	<i>Fiat una die lughente de abrule e su sole nos cagentaiat sas caras</i>

Un'impreu modale de s'imperfetu cun valore chi mìnimat, est presente cun verbos che a bòlere, chèrrere, prefèrrere: *salude, cheria duos chilos de mela (salve volevo due chili di mele)*, in logu de su cundizionale: *salude, dia chèrrere duos chilos de mela (salve, vorrei due chili di mele)*.

**Passadu pròssimu:** indicat un'atzione congruida in su passadu e si format cun su presente+su partitzìpiu passadu

**Passadu imperfetu:** indicat un'atzione passada congruida chi benit antis de un'àtera semper posta in su passadu e si format cun s'imperfetu+su partitzìpiu passadu.

**Benidore:** indicat un'atzione in unu tempus benidore postu a pustis de su momentu chi si faeddat. Su benidore benit fatu in forma cumposta o perifràstica, cun s'impreu de s'ausiliare àere. Pro su



**REGIONE AUTONOMA DELLA SARDEGNA**

benidore simple s'unit s'indicativu presente de s'ausiliare àere+a+s'infinidu de su verbu chi si bolet pònnere:

apo+a+dormire

as+a+mandigare

**Benidore anteriore:** indicat un'atzione in unu tempus benidore ma chi est anteriore in cunfrontu de un'àtera. Pro su benidore anteriore s'unit s'indicativu presente de s'ausiliare àere+a+s'infinidu passadu de su verbu chi si bolet pònnere

apo+a+àere dormidu

as+a+àere mandigadu

*una borta chi as a àere istudiadu as a tènnere su traballu*



### Su congiuntivu

Cun su congiuntivu si presentat un'atzione comente dudosa, ipotizàbile, disigiada o sugetiva. Su congiuntivu podet tènnere valore:

otativu	<i>Ti calet unu raju!</i>
esortativu	<b>Andemus!</b>
dubitativu	<i>No est bènnidu a traballu, non siat malàidu?</i>
cuntzessivu	<i>Mancari chi apat fatu su chi at fatu, est semper frade tuo</i>

### Su cunditzionale

Su cunditzionale si faghet cun s'unione de s'imperfetu indicativu in forma cuntrata de su verbu dèpere e s'infinidu, presente o passadu:

*deo dia sighire*

*deo dia àere sighidu.*

Cun su cunditzionale si faghet bìdere chi sa realizazione espressada dae su verbu est cunditzionada dae àteros fatos: *dia fàghere una passigiada* (si aia tempus).

Finas su cunditzionale tenet valore otativu: *diat èssere bellu a nos adobiare finas cras.*

### S'imperativu

S'imperativu benit impidadu pro cumandare, incoraggiare, pregare calicunu a fàghere carchi cosa e in sa forma negativa servit comente proibizione. S'imperativu tenet unu tempus ebbia (su presente) e petzi duas formas suas (sa de duas pessones, singulare e plurale) sas chi restant (francu sa prima singulare chi no esistit) pigant in prèstidu sas formas de su congiuntivu presente. In sa forma negativa totu sas pessones sunt pigadas in prèstidu dae su congiuntivu.

	Forma positiva	Forma negativa
tue	Time su cane	Non timas su cane
isse	Timat su cane	Non timat su cane
nois	Timamus su cane	Non timamus su cane
bois	Timide su cane	Non timais su cane
issos	Timant su cane	Non timant su cane



## S'infinidu

S'infinidu espressat s'atzione de su verbu a manera genèrica e indeterminada. A bias est impreadu comente sustantivu:

*in s'andare e su torrare mi nche l'apo mandigadu*

*ite est totu custu faeddare?*

Comente bidu in antis s'infinidu est impreadu in sas costruzioni analiticas de sos modos cundizionale e benidore.

S'infinidu est presente in sas formas pronuminales procliticas

*so pruntu a ti retzire*

A bias est presente in frases imperativas

*a la finire est! est a nche la finire!*

Cun sa preposizione *a* tenet valore de impersonale

*Est a bìdere si nde b'at*

Cun sos complementos infinitivos de èssere

*No est a nàrrere, no !*

*Sa balentia no est a iscùdere.*

## Su gerùndiu

Su gerùndiu s'impreat in proposizione subordinada e apostivigat una relata cun su verbu de sa printzipale:

modale	<i>Si nch'est andadu pranghende, l'as a fàghere coitende</i>
temporale	<i>Ghirende dae iscola apo a comporare su pane</i>
ipotètica	<i>Tenende sa possibilidade dia a comporare una vetura noa</i>
causale	<i>Essende tardu si nch'est ghiradu</i>

Sos verbos che a *bìdere* o *intèndere*, chi in italianu rechedent s'infinidu, in sardu bolent su gerùndiu:

L'ho visto arrivare	<b>L'apo bidu arribende</b>
L'ho sentito cantare	<i>L'apo intesu cantende</i>

Su gerùndiu in sardu si cumportat a manera diferente dae su chi acuntesset pro s'italianu cando sighit su verbu "stare" e bolet s'ausiliare *èssere*

Sunt tocheddende	Stanno bussando (non <i>sono bussando</i> )
Sunt arribende	Stanno arrivando (non <i>sono arrivando</i> )





Est presente cun su verbu pàrrere e sos verbos transitivos de pertzetzione

Paret arribende	Sembra che arrivi (sembra arrivando)
Paret proende	Sembra che piova (sembra piovendo)

Su gerùndiu est impitadu finas pro indicare s'aspetu de su mamentu o de sa dura o de s'imbenièntzia de un'atzione:

est traballende	<i>lavora</i>
so finende su traballu	<i>Sto per finire il lavoro</i>
podet èssere chi siant traballende	<i>Può darsi che stiano lavorando</i>
beru est chi ti ses cojuende cras?	<i>È vero che ti sposerai domani?</i>

### Su partizìpiu

Su partizìpiu presente non diat dèpere èssere impreadu in sardu, unu faeddu che a s'italianu *facente* non devenit *faghente* ma s'impreat sa perifrasi *chi faghet* o agetivos in *-adore -idore (faghidore)*. Abarrant però faeddos cun funtzione de agetivu o de sustantivu chi benint pigados in imprètidu finas dae s'italianu e chi podent èssere:

partizìpios presentes sena verbu chi currispundet

ambiente	Dae su lat. <i>Ambire</i> (istare a fùrriu)
consulente	Dae su lat. <i>Consulere</i> (consultare)
dotzente	Dae su lat. <i>Docere</i> (insignare)
otzidente	Dae su lat. <i>Occidere</i> (rùere, de su sole)
oriente	Dae su lat. <i>Oriri</i> (nàschere)
utente	Dae su lat. <i>Uti</i> (usare)
vigente	Dae su verbu raru <i>vìgere</i> (chi est in vigore)

Partizìpios presentes chi tenent su verbu chi currispondet ma su sustantivu o s'agetivu pigant valore autònomu:

movente	<i>Motivu, rajone dae mòvere</i>
tenente	<i>Ufitziale de s'esèrtzitu dae tènnere</i>
molente	<i>Àinu dae mòlere</i>



partizipios presentes chi tenent su verbu chi currispundet e su sustantivu o s'agetivu su matessi:

cagente	<i>Caldu dae cagentare</i>
---------	----------------------------

Su partizìpiu passadu cun valore nominale si còniugat comente sos agetivos cun sas bator desinèntzias (amadu, amada, amados, amadas). A bias est impreadu comente agetivu (*una pira cota*), a bias comente sustantivu (*su secuestradu si tzèrriat Pinna*).

Su partizìpiu passadu cun valore verbale servit pro formare sos tempos cumpostos:

In s'indicativu: su passadu pròssimu, su passadu imperfetu, su benidore anteriore.

In su congiuntivu: su passadu e su trapassadu.

In su cundizionale, s'infinidu e su gerùndiu de su passadu.

S'acordu de su partizìpiu passadu cun su sugetu:

Verbos cun s'ausiliare àere	transitivos	Su partizìpiu passadu aturat invariadu	<i>Antoni at bintu dinari, Maria at bintu dinari</i>
	intransitivos		<i>Antoni at faeddadu cun Maria,</i> <i>Maria at faeddadu cun Antoni</i>
	pronuminales		<i>M'apo segadu un'anca, m'apo segadu unu bratzu</i> <i>E cun sas partigheddas pronominale nde:</i> <i>nd'apo papadu tres, de piras</i> <i>nd'apo papadu tres, de aràngios</i>
Verbos cun s'ausiliare èssere	intransitivos	Su partizìpiu cuncordat cun su sugetu in gènere e nùmeru	<i>Antoni est andadu a domo, Maria est andada a domo</i>
	passivos		Francu cando su partizìpiu est in positzione de cumentzu e presentat unu sugetu genèricu: <i>est bènnidu gente dae ogni parte (Blasco Ferrer)</i>
	riflessivos		<i>Su dinari est istadu bintu dae Maria,</i> <i>sa medàllia est istada binta dae Maria</i>
	pronuminales		<i>Antoni s'est samunadu, Maria s'est samunada</i> <i>Antoni s'est birgongiadu, Maria s'est birgongiada</i>



Acordu de su partitzìpiu passadu cun s'ogetu:  
andat cando est presente su pronùmene àtonu:

apo bidu cussu libru e dd'apo comporad <u>u</u> su ramu m'est rut <u>u</u> in conca	apo bidu cussos libros e ddos apo comporad <u>os</u> sos ramos mi sunt rut <u>os</u> in conca
apo bidu cussa màllia e dd'apo comporad <u>a</u> sa pinna m'est rut <u>a</u> in conca	apo bidu cussas màllias e ddas apo comporad <u>as</u> sas pinnas mi sunt rut <u>as</u> in conca

In sos àteros casos non declinat.

### Sas coniugatziones

sas coniugatziones sunt tres e acabant a s'infinidu in -are, -ere, -ire

-are	Amare, andare, giocare, pesare....
-ere	Fàghere, dèpere, cùrrere, rière.....
-ire	Dormire, finire, cusire, fuire.....



**Sos verbos auxiliares.**

Sos verbos auxiliares sunt *èssere e àere*.

**Su verbu èssere:**

INDICATIVU						
	Presente	Imperfetu	Passadu pròssimu	Passadu imperfetu	Benidore	Benidore anteriore
<b>deo</b>	so	fia	So istadu,-a	Fia istadu,-a	Apo a èssere	Apo a èssere istadu,-a
<b>tue</b>	ses	fias	Ses istadu,-a	Fias istadu,-a	As a èssere	As a èssere istadu,-a
<b>isse</b>	est	fiat	Est istadu,-a	Fiat istadu,-a	At a èssere	At a èssere istadu,-a
<b>nois</b>	semus	fiamus	Semus istados,-as	Fiamus istados,-as	Amus a èssere	Amus a èssere istados,-as
<b>bois</b>	seis	fiais	Seis istados,-as	Fiais istados,-as	Ais a èssere	Ais a èssere istados,-as
<b>isso s/issas</b>	sunt	fiant	Sunt istados,-as	Fiant istados,-as	Ant a èssere	Ant a èssere istados,-as

CONGIUNTIVU				
	Presente	Imperfetu	Passadu	Trapassadu
<b>deo</b>	sia	essere	Sia istadu,-a	Essere istadu,-a
<b>tue</b>	sias	esseris	Sias istadu,-a	Esseris istadu,-a
<b>isse</b>	siat	esseret	Siat istadu,-a	Esseret istadu,-a
<b>nois</b>	siamus	esseremus	Siamus istados,-as	Esseremus istados,-as
<b>bois</b>	siais	essereis	Siais istados,-as	Essereis istados,-as
<b>issos/issas</b>	siant	esserent	Siant istados,-as	Esserent istados,-as



CUNDITIONALE		
	<b>Presente</b>	<b>Passadu</b>
<b>deo</b>	Dia èssere	Dia èssere istadu,-a
<b>tue</b>	Dias èssere	Dias èssere istadu,-a
<b>isse</b>	Diat èssere	Diat èssere istadu,-a
<b>nois</b>	Diamus èssere	Diamus èssere istados,-as
<b>bois</b>	Diais èssere	Diais èssere istados,-as
<b>issos/issas</b>	Diant èssere	Diant èssere istados,-as

IMPERATIVU		
	<b>Forma attiva</b>	<b>Forma passiva</b>
<b>tue</b>	sias	Non sias
<b>isse</b>	siat	Non siat
<b>nois</b>	siamus	Non siamus
<b>bois</b>	siais	Non siais
<b>issos/issas</b>	siant	Non siant

INFINIDU	
<b>Presente</b>	<b>Passadu</b>
èssere	èssere istadu

GERÙNDIU	
<b>Presente</b>	<b>Passadu</b>
essende	essende istadu

PARTITZÌPIU	
istadu	



## Su verbu àere

INDICATIVU						
	<b>Presente</b>	<b>Imperfetu</b>	<b>Passadu pròssimu</b>	<b>Passadu imperfetu</b>	<b>Benidore</b>	<b>Benidore anteriore</b>
<b>deo</b>	apo	aia	Apo àpidu(decli)	Aia àpidu(declin)	Apo a àere	Apo a àere àpidu
<b>tue</b>	as	aias	As àpidu	Aias àpidu	As a àere	As a àere àpidu
<b>sse</b>	at	aiat	At àpidu	Aiat àpidu	At a àere	At a àere àpidu
<b>nois</b>	amus	aiamus	Amus àpidu	Aiamus àpidu	Amus a àere	Amus a àere àpidu
<b>bois</b>	ais	aiais	Ais àpidu	Aiais àpidu	Ais a àere	Ais a àere àpidu
<b>isso s/iss as</b>	ant	aiant	Ant àpidu	Aiant àpidu	Ant a àere	Ant a àere àpidu

CONGIUNTIVU				
	<b>Presente</b>	<b>Imperfetu</b>	<b>Passadu</b>	<b>Trapassadu</b>
<b>deo</b>	apa	aere	Apa àpidu	Aere àpidu
<b>tue</b>	apas	aeres	Apas àpidu	Aeres àpidu
<b>isse</b>	apat	aeret	Apat àpidu	Aeret àpidu
<b>nois</b>	apamus	aeremus	Apamus àpidu	Aeremus àpidu
<b>bois</b>	apais	aereis	Apais àpidu	Aereis àpidu
<b>issos/issa s</b>	apant	aerent	Apant àpidu	Aerent àpidu

CUNDTZIONALE		
	<b>Presente</b>	<b>Passadu</b>
<b>deo</b>	Dia àere	Dia àere àpidu
<b>tue</b>	Dias àere	Dias àere àpidu
<b>isse</b>	Diat àere	Diat àere àpidu
<b>nois</b>	Diamus àere	Diamus àere àpidu
<b>bois</b>	Diais àere	Diais àere àpidu
<b>issos/issas</b>	Diant àere	Diant àere àpidu



IMPERATIVU		
	Forma attiva	Forma passiva
<b>tue</b>	apas	No apas
<b>isse</b>	apat	No apat
<b>nois</b>	apamus	No apamus
<b>bois</b>	apais	No apais
<b>issos/issa s</b>	apant	No apant

INFINIDU	
Presente	Passadu
àere	Àere àpidu

GERÙNDIU	
Presente	Passadu
aende	Aende àpidu

PARTITZÌPIU
àpidu

Cando non tenet valore de ausiliare in logu de su verbu *àere* s'impitat su verbu *tènnere o portare o giùghere*:

*deo apo duas domo/ deo apo is ugeras/ deo apo su relògiu*

*deo tèngio duas domos/ deo porto is ugeras/ deo giugo is lòrigas*

S'usu esistentziale de sos verbos *àere* e *èssere* pro definire s'esistèntzia de un'entidade dependet si sa cosa est definida o indefinida:

**Non b'at** frore in s'ortu, **b'ant** frores in cresia

**b'est** unu frore subra sa mesa, **bi sunt** tres pessones in artis meu

comente ammentat Jones in sa *Sardinia Syntax* cosa sua su verbu *àere+de* podet indicare òbligu:

*Non bèngio ca apo de istudiare*

E a bias s'intentzione de fàghere un'atzione chi non semper s'est realizada

*Fiamus de andare a mare ma nos at pròidu*



### Sos verbos impersonales

Sos verbos impersonales non tenent unu sugetu determinadu e s'impreant petzi in sos modos indefinidos e in sa de tres pessones singulare de sos tempos de modu finidu: *cumentzat a pròere, est proende, proiat, at a pròere.*

arbèschere	
annuare	
astrare	
iscurigare	
lampare	
niare	
frocare	
grandinare	
pròere	
tronare	
lentorare	
rosinare	

Su verbu *fàghere* a bias si cumportat de impersonale:

*faghet fritu, est faghende basca*

Unu grupu de verbos chi puru tenent una coniugazione personale sunt impreados in manera impersonale:

acuntèssere	
capitare	
costare	
bisongiare	
tocare	
cumbènnere	
pàrrere	
dèghere	





*Tocat a ddu fàghere, bisòngiat a essere, bastat chi si nche andet.*

Si cumportat a manera impersonale fintzas su verbu èssere  
*est a bidere si nde b'at*

### Sos verbos modales

Sos verbos *dèpere, pòdere e bòlere/chèrrere* podent èssere impreados a manera autònoma (*mi depes unu praghere, non nde potzo prus, bògio una pitza*) o podent pretzisare, indichende netzessidade, possibilidade, voluntade, su significu de un'àteru verbu in forma infinida:

So dèpidu partire, apo dèpidu comporare custa	netzessidade
No apo pòdidu partetzipare	possibilidade
No at chertu/bòlidu istudiare	voluntade

### Verbos fraseològicos

Sos verbos fraseològicos sunt cussos chi, impreados a in antis de un'àteru verbu (in forma de infinidu o gerùndiu) ispetzificant sa manera de disprigamentu de s'atzione:

progressividade	Istaiat narende totu die,
Imminèntzia de s'atzione	Èssere acanta de l'iscùdere, si sunt cojuende, sunt acabende de mandigare
Cumentzu de s'atzione	Cumentzare a mandigare
Sighimentu de s'atzione	Sighire a mandigare,
acabu de s'atzione	acabare de mandigare

S'impreu de su verbu *torrare*:

in logu de verbos cumpostos che a s'italianu *rifare, ridire* s'impitat su verbu *torrare*:

*torrare a fàghere*

*torrare a nàrrere*

A bias benit impreadu cun valore averbiale:

*est essende torra*

Sa frase simple

sa frase simple podet èssere analizada in tres maneras diferentes:



Anàlisi lògicu-grammaticale	S'agatant duos cumponentes de fundamentu: <b>-sugetu</b> Detèrminat s'acordu cun su verbu ( <i>deo ando, bois andades</i> ) e ispetzificat chie o ite faghet s'atzione, o la subit o est atribuida una calidade o un'istadu <b>-predicadu</b> Cumpostu dae su verbu e àteras allegas dependentes dae issu in manera sintàtica ( <i>deo canto una cantzone sarda in pratza</i> ) podet èssere verbale cando ddu at unu verbu predicativu ( <i>Antoni andat a su tzinema</i> ) o nominale cando ddu at sa còpula ( <i>custa die est fritta</i> ) o àteros verbos copulativos che a pàrrere, intèndere, istare, nàschere etc...
Anàlisi de is contenutos informativos	S'agatant duos cumponentes de fundamentu: <b>tema:</b> Sa cosa de sa cale si faeddat <b>rema:</b> Sa cosa chi si narat a subra de su tema
Anàlisi de s'istrutura de sas connoschèntzias	S'agatant duos cumponentes de fundamentu: <b>nota:</b> Parte de s'enunziadu giai connota <b>noa:</b> Aggiunta de un'informatzione noa



Sas frases simples sunt autònomas suta su puntu de bista sintàticu dae frases chi benint antes o a pustis e duncas sunt tzerriadas finas indipendentes e si partzint in:

declarativas	<p><b>afirmativas</b> <i>Oe est faghende basca, Apo bidu unu film</i></p> <p><b>negativas</b> <i>Non tèngio dinari, Su computer non funtzionat</i></p>
interrogativas	<p><b>totales</b> Cando rechedint una risposta sica che ei/nono: <i>Comporadu ddas su giornale?</i> Cando est presente finas sa partighedda a <i>A bi benis? A b'andamus? A la finis?</i> Cando est presente unu particolare tonu de sa boghe <i>Ògiu comporades? Linna cherides?</i> Cando sa boghe verbale est cumposta bi podet èssere s'inversione de s'ausiliare <i>Fata bi l'ant? Andende seis?</i> Custa inversione est presente finas cun su complementu ogetu <i>Su film bidu bi l'as? Bi l'as bidu su film?</i></p> <p><b>partziales</b> Cando sunt presentes pronùmenes o avèrbios interrogativos (chie, ite, cando...) <i>A ue ses andende? Cando torras?</i></p> <p><b>disgiuntivas</b> Cando in sa pregonta sunt presentes duos o prus sèberos: <i>t'agradat sa sindria o su melone? Ses bènnidu a pee o in moto?</i> Sas interrogativas diretas e duncas frases indipendentes podent èssere mudadas in <b>interrogativas indiretas</b> (proposizioni subordinadas). <i>Antoni arribadu est? Ite cherides?----bògio ischire si est arribadu Antoni, narade-mi ite cherides</i> sunt impreados mescamente verbos chi tenent significu afirmativu-declarativu (nàrerre, ischire, pensare, crèdere...) <i>nara-mi si so fartende</i> <i>faghe-mi ischire a ite ora moimus</i> finas sas indiretas podent èssere disgiuntivas: <i>non so seguru de mòere oe o cras.</i></p>
esclamativas	<p>Indicant ispantu, meravigia, gosu, timoria etc... <i>ch'est tardu! cantu m'agradat custa turta! ite cosa bella!</i></p>



**REGIONE AUTONOMA DELLA SARDEGNA**

imperativas	Indicant unu cumandu, unu cunsìgiu etc... cun s'imperativu: <i>serra sa ghenna!</i> O su congiuntivu esortativu: <i>chi intrent</i> o s'infinidu: <i>a intrare!</i>
disigiativas	Inditant augùriu, disìgiu, ispera: <i>èssere sa borta bona! Deus ti guardet! b'esseret isse como!</i>



## Sa frase cumplessa

Sa frase cumposta dae prus propositziones cullegadas a pare benit tzerriada cumplessa. Sas propositziones podent èssere cullegadas cun raportos de coordinatzione o de subordinatzione.

Coordinatzione:

cando sas propositziones sunt collegadas s'una a pare e aturant in su matessi pianu contzetuale.

Coordinatzione copulativa	<p>Est s'annanta de una propositzione a un'àtera e si faghet su prus de sas bortas cun sa congiuntzione <b>e</b> cun valore positivu o sa congiuntzione <b>ne/nen</b> cun valore negativu:</p> <p><i>apo fatu s'ispesa e so regortu a domo</i> <i>no isco ite at naradu ne ite at a nàrrere</i></p> <p>Benint impreadas àteras congiuntziones positivas o negativas che a <i>finas o nemmancu</i></p> <p><i>apo mandigadu una mela e finas una pira</i> <i>no m'agradat sa mela e nemmancu sa pira</i></p>
Coordinatzione avversativa	<p>Sinnalat unu cuntrastu intre duos acuntessimentos espressados in duas propositziones e si faghet cun sas congiuntziones <i>ma, però, prus a prestu, antis, imbetzes...</i>:</p> <p><i>isto mègius ma so galu debile</i> <i>paret tontu imbetzes est unu margiane</i></p> <p>sa congiuntzione <b>ma</b> tenet valore siat avversativu-limitativu</p> <p><i>est lègiu ma est simpàticu</i></p> <p>siat valore avversativu opositivu</p> <p><i>no apo mandigadu una pira ma una mela</i></p> <p>tenent valore limitativu: <i>però, prus a prestu</i></p> <p>tenent valore opositivu: <i>antis, imbetzes</i></p>
Coordinatzione disgiuntiva	<p>Sinnalat un'alternativa intre duos elementos e si faghet cun sas congiuntziones <i>o, o puru, sinunca</i>:</p> <p><i>no isco si est narende a beru o brullende</i></p>
Coordinatzione de congruimentu	<p>Sinnalat chi su segundu elementu est sa cunsighèntzia, sa congruida lògica de su primu e si faghent cun sas congiuntziones <i>duncas, pro custu, pro cussu, tando tèngio pagu dinari duncas m'apo a comporare custas sabatas baratas</i></p>
Coordinatzione de clarativa	<p>Sinnalat chi su segundu elementu cunfirmat, giustificat o crarit su primu e si faghet cun sas congiuntziones <i>custu non custu, difatis, pro nàrrere, unu paragone, pro esempru</i></p> <p><i>est cumentzada sa basca, difatis sa gente nch'est giai in su mare</i></p>
Coordinatzione currelativa	<p>Si faghet cun s'impreu de una pariga de congiuntziones <i>siat...siat, gasi...comente, tantu...chi, ne/nen.....ne/nen, o...o, non solu....ma,</i></p> <p><i>custa norma est bàlida siat pro sos residentes in Sardigna siat pro cussos chi istant foras</i></p>



## Subordinatzione

sas propositziones subordinadas dependent dae àteras propositziones e podent èssere:

Argumentales	Isparghent unu de is argumentos de sa frase printzipale
Relativas	Si referint no a totu sa propositzione ma a una parte nominale de issa chi est tzerriada antepostu
No argumentales	S'agjunghent a sa propositzione nominale pro ispetzificare, determinare o ligare àteros argumentos in cunfrontos de cussu chi b'at espressadu in cussa propositzione

Sas argumentales sunt:

Ogetivas esplitzitas	Introduidas dae <b>chi</b> prus s'indicativu o su congiuntivu: <i>bido chi istas bene</i> <i>ischia chi istaias male</i> <i>credo chi Antoni nche siat giai mòvidu</i> <i>penso chi apo fatu sa cosa giusta</i> <i>penso chi apa fatu sa cosa giusta</i> <i>penso chi una vacàntzia ti fatzat bene</i> <i>non naro chi custa siat sa cosa mègius</i>
Ogetivas implitzitas	Introduidas dae <b>de</b> e su verbu a s'infinidu: <i>penso de àere fatu sa cosa giusta</i> <i>naro de provare in custa manera</i>
Ogetivas oblicuas	Introduidas dae <b>de</b> cun verbos intransitivos pronuminales: <i>m'apo ammentadu de telefonare a Antoni</i> <i>mi so ismentigadu de istudare sa lughe</i>
Sugetivas	Cando tenent sa funtzione de sugetu in sa propositzione chi reghet : <i>est mègius a istransire s'adòbiu</i> <i>cumbenit a abarrare mudos</i> <i>mi paret de èssere imbriagu</i> <i>tocat a fàghere a lestru</i> <i>est tempus de la finire</i> <i>si narat chi siat malàidu</i>



Sas relativas :

Relativas	Non si referint a totu sa propositzione chi reghet ma a unu elementu nominale chi est presente in custa, tzerriadu antepostu: <i>apo bidu unu film chi non m'est agradadu</i> andat cun su congiuntivu pro esprimere disìgiu o possibilidade: <i>chèrgio una vetura chi currat a beru</i>
-----------	--

Sas no argumentales sunt:

causales	Indicant sa càusa de su chi est naradu in sa propositzione chi reghet e si faghent cun congiuntziones che a <i>ca, sigomente...o pro custu:</i> <i>fiat proende e pro custu mi nche so regortu a domo</i> <i>so istrisinadu ca bi fiat sapone in terra</i> <i>sigomente est tardu no esso</i>
finale	Indicant cun cale iscopu est fata s'atzione o cale est s'obietivu de sa propositzione chi reghet e si faghent cun <i>a, pro,+infinidu</i> o <i>chi, pro chi+</i> congiuntivu <i>beni a bìdere ite at fatu</i> <i>so istudiende pro dare s'esàmene custu mese</i> <i>Antoni cheret chi torres</i> <i>l'at fatu pro chi no esseres prantu</i>
cunsecutivas	Indicant sa cunsighèntzia de su chi est istadu naradu in sa propositzione chi reghet e si faghent cun <i>chi+indicativu</i> o cun <i>de+infinidu</i> e cun sa presèntzia de <i>gosi,gasi, aici:</i> <i>so gosi cuntentu chi no abarro nemmancu firmu</i> <i>so aici nervosu de no istare firmu</i>
cuntzessivas	Indicant unu raportu de causalidade non ripetadu? e si faghet cun <i>s'indicativu</i> o su congiuntivu e sas congiuntziones <i>mancari, sende chi, finas, puru si</i> o <i>pro+infinidu:</i> <i>fàghe-lu intrare bastet chi si tapet sa buca</i> <i>mancari chi prangas non ti lu dono</i> <i>sende chi fiat prus acanta est arribadu a pustis</i> <i>pro tènnere setanta annos est galu una pessone sana</i>



cunditzionales	<p>Indicant sa cundizione netzessària a tales chi acuntessat su chi est istadu naradu in sa proposizione chi reghet e si faghent cun <i>si, bastis chi, bastat chi, si no est chi...</i> Sa proposizione cundizionale est mutida pròtasi e cussa chi reget apòdosi.</p> <p>Custas sunt argunas de sas formas chi benint impreadas in sa limba sarda, chi ischimus tenet paritza maneras de esprimere su cundizionale:</p> <p><b>In su periodu ipotèticu de sa realidade</b> pròtasi e apòdosi andant ambas in indicativu: <i>si benit isse nos nche andamus nois</i> <i>si non b'est, nch'est in aterue</i></p> <p><b>In su periodu ipotèticu de sa possibilidade o de s'irrealidade:</b> podent èssere presentes apòdosi e pròtasi in indicativu <i>si andaias a domo tua faghias mègius</i> <i>si fias andadu a domo tua aias fatu mègius</i> o indicativu in pròtasi e cundizionale in apòdosi <i>si sighia a tie, dia àere fatu mègius</i> o congiuntivu imperfetu o trapassadu pro sos verbos ausiliares in sa pròtasi e in s'apòdosi in tames su cundizionale <i>si aeres tempus a bi dias a bènnere</i> <i>si non b'esseret istadu Antoni a nde dias àere fatu de cosa</i> o cundizionale in apòdosi e pròtasi <i>si dias andare a domo tua dias a fàghere mègius</i> <i>si dias èssere andadu a domo tua dias àere fatu mègius</i> o indicativu e imperativu <i>si tenes fàmine màndiga, si non boles bènnere nara-ddu</i> o gerùndiu e imperativu <i>si ses benende, nara-lu</i></p>
Temporales	<p>Indicant una relatzione de tempos intre sa subordinada e sa proposizione chi reghet e si faghent cun sas congiunziones che a <i>onni/ogni bia chi, finas a cando, in s'interi, in pessu chi, a pustis, comente, deretu, antis.</i></p> <p>Podent esprimere:</p> <p><b>cuntemporaneidade</b></p> <p>Sos eventos de sa chi reghet e sa subordinada acuntessent in su matessi mamentu: <i>cando biàgio in aèreo, non resesso a dormire</i> <i>in s'interis chi chistionaiat, astringhiat is ogros</i> si faghent finas cun su gerùndiu: <i>biagende amus mandigadu unu cogone</i></p> <p><b>posterioridade</b></p>





temporales	<p>S'eventu de sa frase ? chi reget acuntesset a pustis de cussu de sa subordinada: <i>apo a èssere prus serenu a pustis de àere acabadu su traballu</i> <i>comente l'at bidu, l'est brincadu a subra</i> <i>luego faeddadu sa gente si nch'est andada</i></p> <p><b>anterioridade</b></p> <p>S'eventu de sa frase ? chi reget acuntesset in antis de sa subordinada: <i>tzèrria-ddu immoe in antis chi si nch'essat dae domo</i> <i>l'amus a isetare finas a cando no arribat</i> <i>in antis de publicare s'articulu ddu bògio lèghere un'àtera borta</i></p> <p>Sas temporales iterativas espressant un'atzione chi acuntesset a manera fitiana: <i>onni bia chi l'adòbio nos ponimus a riere</i> <i>onni bia chi ando a mare mi pòngio su bonete</i></p>
modales	<p>Indicant sa manera de isvilupu de s'atzione e si faghent cun congiuntziones che a <i>che</i>, <i>comente, a manera...</i> <i>curriat comente unu macu</i> <i>pranghiat che ànima dannada</i> o cun su gerùndiu <i>si nch'est andadu pranghende</i> o cun s'iteratzione <i>l'at fatu cua cua</i> o cun locutziones che a <i>manera</i> <i>su sèberu est istadu fatu a manera autònoma</i></p>
cumparativas	<p>Apostìvigant unu paragone cun sa propositzione chi reget e si faghent cun congiuntziones che <i>prus...chi non, prus pagu...chi non, mègius...chi non, de su chi, de comente, cantu...</i></p> <p><b>De majoria</b> <i>Antoni est prus malu de Pepe</i> <i>Sa vetura est mègius de comente la pessaia</i></p> <p><b>De ugualliantzia</b> <i>Antoni est gasi brulleri pròpiu comente contant in giru</i></p> <p><b>De minoria</b> <i>Custu traballu est prus pagu peleosu chi no su chi faghias in antis</i></p>
etzetuativas	<p>Indicant una tzircustàntzia chi podet cunditionare su chi est istadu naradu in sa chi reget e si faghent cun congiuntziones che a <i>francu, si no est chi</i> <i>cras retiro sas fotos, si no est chi boles andare tue</i> <i>fia pruntu a totu, francu chi a dormire in terra</i></p>



limitativas	Indicant una limitazione de su chi est istadu naradu in sa chi reghet e si faghent cun locutziones che <i>pro su chi</i> <i>pro su chi isco deo, sas cosas sunt meda diferentes</i>
-------------	--

### Su discursu indiretu

pro indicare sas paràulas o su meledu de calicunu si podet impreare non sa manera direta ebbia ma finas cussa indireta chi si faghet cun una propositzione subordinada:

*Antoni narat a Maria: "ses bella"-----Antoni narat a Maria chi est bella*

In sa bortadura dae su discursu diretu a cussu indiretu sos pronùmenes personales, sos possessivos e sas formas verbales de prima e de segunda persone si mudant in sa de tres persones e mudant finas sos dimostrativos e locutziones de tempus:

*Antoni narat a Maria: "deo chèrgio una vetura che a sa tua"*

*Antoni narat a Maria chi isse cheret una vetura che a sa sua*

*Antoni aiat pensadu: "como est tempus de acontzare custa vetura"*

*Antoni aiat pensadu chi tando fiat tempus de acontzare cussa vetura*

Sa formatzione de sas paràulas:

Paràulas simples	No arribant dae àteras allegas e sunt: invariàbiles <i>Pro, ma, semper</i> variàbiles <i>Cane, domo...</i>
Paràulas derivadas	Si faghent cun un'allega simple e unu: prefissu <i>Pònnerre      pro-pònnerre</i> sufissu <i>Fàula      faul-àrgiu</i>
Paràulas cumpostas	Si faghent cun s'unione de prus paràulas ogri-gàtinu, ali-pedde, fusti-arbu



Dae ganga (*gola*):

gangàgiu	ugola
gangale-gangùle	giogàia, sa pedde chi sos boes tenent pendende in gula, a bias su chelu de sa gula
gangalita	anello faringeo
gangalustas	bargigli delle galline
ganghedda	s'atu de pònnere in gula sas manos a unu pro l'afogare
agangare	strangolare, pònnere sas gangheddas
agangadore	su chi leat a gangas
agangadura	su leare a gangas
isgangare	sgozzare, tagliare le tonsille

Dae gùturu (*gola ma finas viottolo stretto*):

guturinu-guturreddu	viottolo stretto
guturada	collare
guturale	de su gùturu
guturones	tonsillite
guturrèntzia	ghiottoneria
guturia	golosità
guturrosu	ghiottone



### Sa sufissatzione

sa sufissatzione cunsentit sa formatzione de paràulas chi faghent parte de sa matessi classe morfologica de sa paràula base o de paràulas chi faghent parte de una classe diferente: dae nùmene a nùmene, dae nùmene a agetivu e gasi sighende:

Derivados Numenales	Nùmene-Nùmene	denominale	libru----libreria
	Nùmene-Agetivu	deagetivale	fàula----faulàrgiu
	Nùmene-Verbu	deverbale	nidu----nidare

Derivados agetivales	Agetivu-Nùmene	denominale	mannu----mannària
	Agetivu-Agetivu	deagetivale	nieddu----nieddastru
	Agetivu-Verbu	deverbale	nieddu----innieddare

Derivados verbales	Verbu-Nùmene	denumenale	cantare----cantadore
	Verbu-Agetivu	deagetivale	bregungiare----bregungiosu
	Verbu-Verbu	deverbale	giogare-----gioghitare

Unas cantas paràulas fatas cun unos cantos sufissos de su sardu

-bile	Prus che àteru impreadu in paràulas cultas Tipu de derivatzione: verbu ► agetivu  amàbile probàbile solùbile
-tzione	Indicat s'atu espressadu dae su verbu Tipu de derivatzione: verbu ► nùmene  amministratzione cundizione cumbinatzione demustratzione direzzone



	<p>istimatzione isperdizione maladizione tentazione</p>
-àntzia -èntzia	<p>Tipu de derivatzione: verbu ► nùmene agetivu ► nùmene</p> <p>abundàntzia bandidàntzia cobertàntzia confidàntzia costumàntzia innoràntzia importàntzia minudàntzia seguràntzia Aparèntzia erèntzia abertèntzia cumbenièntzia diferèntzia dolèntzia indipendèntzia mendighèntzia resistèntzia sabièntzia suferèntzia</p>
-eri	<p>Tipu de derivatzione: nùmene ► nùmene nùmene ► agetivu verbu ► nùmene</p> <p><b>Bantageri</b> Chi si dat bantos</p>



**Afrodieri**

Chie cheret ischire totu

**Argheri, aligheri**

Chie mundat is bias

**Bagamunderi**

Chie andat a runda

**Barberi**

Chie segat is pilos

**Benduleri**

Chie bendet in giru

**Birdureri**

Chie bendet birdura

**Bragheri**

Chie bragat de cosas suas

**Bragheteri**

Chie tenet su bìtziu de andare a fetianu cun is fèminas

**Brulleri**

Chie costumat a fàghere brullas

**Butegheri**

Chie tenet o bendet in butega

**Cafeteri**

Chie bendet o a chie piaghet su caffè

**Carnatzeri**

Chie faghet e bendet petza

**Ciaciarreri**

Chie faeddat tropu

**Coghineri**

Chie coghet

**Craeri**

Chie tenet s'impreu de remonire e manigiare is craes

**Durcheri**

Chie faghet dures



	<p><b>Eciseri</b> Chie incantat</p> <p><b>Elemusineri</b> Chie faghet s'elemùsina</p> <p><b>Gherrerri</b> Chie faghet sa gherra</p> <p><b>Imbenterri</b> Chie bogat imbentos</p> <p><b>Istangherri</b> Chie bendet tabacu</p> <p><b>Maginerri</b> Chie faghet maginas</p> <p><b>Obreri</b> Chie ammanigiat/amàniat festas pùblicas pro santos</p> <p><b>Ofellerri</b> Chie faghet dures</p> <p><b>Pagerri</b> Chie si bantat meda</p> <p><b>Paneterri</b> Chie faghet o bendet pane</p> <p><b>Picapedreri</b> Chie traballat sa pedra</p> <p><b>Posterri</b> Chie batit sa posta</p> <p><b>Presonerri</b> Chie est in presone</p>
-era	<p>Essint cun custu sufissu sas paràulas in feminine de cuddas in -eri: <i>paneterri/panetera, pagerri/pagera, butegherri/buteghera</i> ma finas paràulas chi a bias indicant ogetos o logos (cafetera est su feminine de cafeterri ma finas s'istèrgiu pro fàghere su caffè): Tipu de derivatzione: nùmene ► nùmene</p> <p><b>Allatera</b> Mama de tita,</p>



**Bentrera**

Chintòrgia de su costùmene,

**Bidrera**

Abertura serrada cun bidros,

**Bisera**

Genia de caratza,

**Bruverera**

Logu in ue si custodit sa bruvera,

**Cafetera**

Istèrgiu pro fàghere su caffè,

**Caminera**

Coladòrgiu istrintu,

**Cherbeddera**

Sa parte de sa conca cun su cherbeddu,

**Cabidalera**

Sa beste de su cabidale,

**Fiaschera**

Ampulla pro s'abba,

**Grassonera**

Istèrgiu pro friere,

**Lendinera**

Pètene pro nche leare su lèndine

**Niera**

Logu in ue si faghet o abarrat nie,

**Pastera**

Istèrgiu pro frores,

**Pedrera**

Logu ue si bogat sa pedra,

**Piberera**

Istèrgiu pro pònnere su pìbere,

**Iscalera**

Pigada fata a iscalinas?

**Ratonera**

Traste pro cassare sos sòrighes,

**Tzucarera**

Istèrgiu pro pònnere su tzùcaru,





-ore -ora	<p>Tenet finas valore agentivu o istrumentale:</p> <p>Tipu de derivatzione: verbu ► nùmene agetivu ► nùmene</p> <p>acumpangiadore durcore ammuntonadore lugore balladore iscurigore binchidore mudigore collidore nieddore contadore pudesciore controllore ranchidore cosidore rujore gherradore sabiore giogadore sicore leghidore mortore traballadore</p> <p>Sos chi arribant dae verbu ► nùmene tenent su femminile in <i>-ora</i>: <i>traballadore/traballadora</i> sos chi arribant dae agetivu ► nùmene abarrant petzi maschiles</p>
-nte	<p>Tipu de derivatzione: verbu ► nùmene verbu ► agetivu</p>



	<p>afatante agiudante balente bastante bundante caente currente dipendente dirigente dischente imbeniente innorante innotzente intelligente lacanante lughente molente negotziante</p>
-mentu -menta	<p>Tipu de derivatzione: verbu ► nùmene nùmene ► nùmene</p> <p>acadessimentu bestimenta acumpangiamentu creschimenta arroscimentu isterrimenta frunimentu ossamenta perdimenta lompimentu tundimenta iscravamentu pensamentu</p>



	sarbamentu
-ite	Indicat nùmenes iscientificos ammonite antratzite lignite bronchite malachite pirite ematite
-ìngiu	Tipu de derivatzione: verbu ► nùmene nùmene ► agetivu nùmene ► nùmene  coghìngiu gaddighìngiu iscarfìngiu iscimìngiu istrumìngiu mandighìngiu molingiu murighìngiu papìngiu pistighìngiu sambìngiu
-òngiu	Tipu de derivatzione: verbu ► nùmene agetivu ► agetivu nùmene ► nùmene  asseguròngiu betzòngiu birdòngiu bufòngiu crudòngiu iserbòngiu isposòngiu



REGIONE AUTONOMA DELLA SARDEGNA

	<p>ligòngiu malaidòngiu marròngiu mudòngiu sogròngiu testimòngiu tramudòngiu</p> <p>sos agetivos pigant su femminile in -òngia</p>
<p>-dade -tade</p>	<p>Antichidade beridade bonidade capatzidade dificultade dignidade eredade libertade manniosidade mesidade piedade umidade voluntade tzidade</p>
<p>-udu -uda</p>	<p>Tipu de derivatzione: nùmene ► agetivu</p> <p>atzudu bentrudu cupudu corrudu ferrudu fundudu limbudu piludu puntzudu</p>



REGIONE AUTONOMA DELLA SARDEGNA

	su femminile si faghet in -uda
-ete	librete molinete sonete
-sone	Presone resone
-anu	Tipu de derivatzione: nùmene ► agetivu nùmene ► nùmene  andatanu bardianu brullanu befianu cabudianu chitzanu/chitzulanu giogulanu isulanu mesanu moddianu risulanu sagrestanu segutzianu solianu  su femminile si faghet cun -ana
-àmene -àmine	Tipu de derivatzione: nùmene ► nùmene  bestiàmene fogiàmene matzàmene ferràmine imboddicàmine ossàmine paperàmine



REGIONE AUTONOMA DELLA SARDEGNA

	pedràmine
-ìmine	Tipu de derivatzione: agetivu ► nùmene  barrosìmine dolìmine groghìmine istrachìmine mudìmine tortìmine tzopìmine tzurpìmine surdìmine
-ùmene -ùmine	Tipu de derivatzione: agetivu ► nùmene nùmene ► nùmene  agrestùmene bagassùmene bagadiùmene bischidùmene fratzicùmene iscassiùmene iscimprimine pibincùmene ranchidùmene revessùmene betzùmene istracùmene
-ìghine	Tipu de derivatzione: agetivu ► nùmene  machìghine gaddìghine berrìghine
-ale	Tipu de derivatzione:



	<p>nùmene ► nùmene agetivu ► nùmene</p> <p>arvale bangale benale cabidale cambale capiale corale cussorgiale dighidale fedale fogale frutale giubale istadiale murrale natzionale noale pedrale rocale</p>
-ada	<p>Tipu de derivatzione: nùmene ► nùmene verbu ► nùmene</p> <p>averguada calada atobiada torrada</p> <p><i>cun valore de contenutu :</i> cullerada forchitada</p> <p><i>unu "impare" de:</i> nidada</p>



	<p>figiada</p> <p><i>su corpu dadu cun una cosa:</i></p> <p>foetada forchitada furconada istocada marronada</p> <p><i>su corpu dadu a unu logu:</i></p> <p>istrempada iscavanada nadigada</p> <p><i>cun valore de atu pròpiu:</i></p> <p>piciocada tzacarronada</p> <p><i>cun valore intensivu:</i></p> <p>lampada pampada paporada undada</p> <p><i>cun valore temporale:</i></p> <p>annada chidada giorronada mesada ierrada</p>
-àrgiu	<p>Tipu de derivatzione:</p> <p>nùmene ► nùmene nùmene ► agetivu</p> <p><i>Riferidu a logu chi tenet o cuntenet carchi cosa</i></p> <p>abbàrgiu abiàrgiu</p>





	<p>arenàrgiu caddàrgiu cannàrgiu ispinàrgiu linnàrgiu muntonàrgiu pedràrgiu</p> <p><i>riferidu a chie faghet carchi cosa</i></p> <p>berbegàrgiu bingiàrgiu cabràrgiu carbonàrgiu dannàrgiu faulàrgiu maghiàrgiu molinàrgiu ramàrgiu turrònàrgiu tzilleràrgiu</p>
-òrgiu	<p>Tipu de derivatzione: verbu ► nùmene</p> <p><i>indicat mescamente logu, traste o tempus</i></p> <p>abbadòrgiu arbeschidòrgiu acucadòrgiu apicadòrgiu bochidòrgiu chenadòrgiu coladòrgiu cuadòrgiu cumpridòrgiu ghiradòrgiu ierradòrgiu ingurtòrgiu iscurigadòrgiu isgannadòrgiu</p>



REGIONE AUTONOMA DELLA SARDEGNA

	<p>mortòrgiu presòrgiu puntòrgiu mussòrgiu sedidòrgiu tentòrgiu torradòrgiu tusòrgiu</p>
-àrgia	<p>Tipu de derivatzione: nùmene ► nùmene verbu ► nùmene</p> <p>coilàrgia mortàrgia tentàrgia</p>
-àriu	<p>Tipu de derivatzione: nùmene ► nùmene verbu ► nùmene nùmene ► agetivu</p> <p>asciugàriu butegàriu cartolàriu finantziàriu oliàriu pirastràriu proprietàriu</p>
-ària	<p>Tipu de derivatzione: agetivu ► nùmene</p> <p>artària amprària grussària longària mannària</p>
-aria	<p>Tipu de derivatzione: nùmene ► nùmene</p>



REGIONE AUTONOMA DELLA SARDEGNA

	comparia oraria porcaria sacaria
-aghe	Tipu de derivatzione: nùmene ► nùmene nùmene ► agetivu  bambaghe furrage ingeniaghe isperraghe pedraghe piulaghe putzinaghe umbrage
-olu	Tipu de derivatzione: nùmene ► nùmene nùmene ► agetivu  abbarolu bentizolu bermingiolu biddizolu campanniolu casigiolu corgiolu cordiolu copiolu curriolu imbriagolu pigiolu
-anu	Tipu de derivatzione: nùmene ► agetivu  befianu



REGIONE AUTONOMA DELLA SARDEGNA

	<p>brullanu cabudianu chitzulanu giogulanu mesanu moddianu probianu segutzianu solianu</p>
-atzu	<p>Tipu de derivatzione: nùmene ► agetivu nùmene ► nùmene</p> <p>acorratzu biatzu biancatzu bonatzu bucatzu corriatzu ferulatzu fumatzu niatzu surdatzu</p>
-adu	<p>Tipu de derivatzione: nùmene ► agetivu nùmene ► nùmene verbu ► nùmene</p> <p>commissariadu consoladu provveditoradu disdiciadu disterradu imperdadu pecadu</p>
-eria	<p>Tipu de derivatzione: nùmene ► nùmene</p>



REGIONE AUTONOMA DELLA SARDEGNA

	<p>borderia carnatzeria durcheria molenteria prateria</p>
-edu	<p>Tipu de derivatzione: nùmene ► nùmene</p> <p>cannedu ginchedu murtedu</p>
-esa	<p>Tipu de derivatzione: agetivu ► nùmene</p> <p>bassesu bellesa betzesa firmesa lebiesa malesa poberesa</p>
-ile	<p>Tipu de derivatzione: nùmene ► nùmene nùmene ► agetivu</p> <p>abbedile archile arghile berbeghile bachile beranile cabrile chitile foghile frabile giannile</p>



REGIONE AUTONOMA DELLA SARDEGNA

	ierrile iscobile masongile mongile noadile passientile porchile puddile rochile
-inu	Tipu de derivatzione: agetivu ► agetivu nùmene ► agetivu verbu ► agetivu  abertinu andarinu arborinu atonginu bagantinu berbeghinu bianchinu caddinu cabritinu chèbinu elighinu fraitzinu gàtinu gosinu leporinu moresinu mùrtinu puddighinu sicadinu sorighinu
-ista	Comunista sardista capitalista



REGIONE AUTONOMA DELLA SARDEGNA

	camionista tziclista
-ismu	Comunismu sardismu fascismu capitalismu
-icu	Tipu de derivatzione: nùmene ► agetivu nùmene ► nùmene  democràticu fumàticu iscientificu istrambòticu istròllicu iscolàsticu lunàticu solasticu volàticu
-itzu	Tipu de derivatzione: agetivu ► agetivu nùmene ► agetivu verbu ► agetivu  abbaditzu benderitzu fogaritzu muitzu seddalitzu
-ivu	Tipu de derivatzione: nùmene ► agetivu  bagadivu bombitivu primidivu vengativu



-osu, -osa	Tipu de derivatzione: nùmene ► agetivu  betiosu amorusu apitzigosu arenosu balentiosu bentosu birgongiosu chensciosu coidadosu contivigosu contumosu desigosu diciosu discansosu donosu ermosu famigosu felosu fragosu fogiosu friorosu gaddighinosu gravellosu ingannosu ingeniosu iscrammentosu iscuriosu ispantosu isprammosu istentosu lugorosu manniosu matzosu muconosu nodosu
------------	---





REGIONE AUTONOMA DELLA SARDEGNA

	odiosu ogiosu pidinosu peugosu pibincosu preitzosu pruerosu renegosu setiosu tirriosu tzacarrosu vengosu
-ura	Indicat s'atu espressadu dae su verbu  ufradura tzacadura istichidura